

不退轉法輪經卷第一

木

僧祐撰安公涼土異經在北涼錄第二譯

序品第一

如是我聞一時佛在舍衛國祇樹給孤獨園與大比丘僧千二百五十人俱及諸菩薩摩訶薩眾無量無邊阿僧祇數。爾時世尊於中夜後入廣大光明照三昧是時文殊師利法王子於中夜後入大光明照三昧。彌勒菩薩於中夜後亦入遍照三昧。是時世尊從三昧起與舍利弗於中夜後共出其房到文殊師利法王子所住之處。時尊者舍利弗見文殊師利法王子房及世尊房左右皆悉滿中池水其池水中亦有無量種種蓮華遍布水上而諸蓮華各放光明普照祇洹及舍衛國乃至三千大千世界皆悉照明。大闍維音過於十方一切世界其中菩薩等共諮請發問論議時尊者舍利弗既入室已見文殊師利寂然禪定在前而立尊者舍利弗即便彈指聲咳出聲。爾時世尊及舍利弗

等見文殊師利法王子神通變化各見其身在大海中。是時舍利弗在文殊師利室中不能得出欲踊虛空亦不能去而不自知從何處來。况復能以神通而去。是時尊者舍利弗結加趺坐忽然而見文殊師利在其目前。正身端坐。文殊師利神通力故不離本處。今舍利弗見文殊師利過恒河沙有世界名阿鞞跋致。論議音聲彼中有佛号善住光華。開敷現在於世有無量億千菩薩圍遶。見彼佛身於諸毛孔皆出蓮華。其一華光明遍照三千大千世界。華有千葉皆以紺瑠璃為莖。馬瑙為鬚。眾寶為臺。其華臺上見諸菩薩結加趺坐。彼諸菩薩皆住阿鞞跋致。當得阿耨多羅三藐三菩提。提於諸陀羅尼門成就大忍。以三十二相而自莊嚴。身色如真金微妙。第一小時善住光華。開敷佛前。中出大蓮華。其色眾多華葉無量。亦以紺瑠璃為莖。金剛為葉。目陀瑠璃為鬚。龍堅栴檀王為臺。世間塵水所不能染。舍利弗見此華臺空無所有。

文殊師利入中而坐。與蓮華臺俱上。至有頂文殊師利遶佛三匝。一心合掌頂禮。佛足於蓮華臺中結加趺坐。正念向佛。是時善住光華。開敷如來問文殊師利言。汝從何方而來。到此文殊師利白佛言。世尊。我從娑婆世界。故到此土。彼佛國中有二菩薩。一名善音。二名善聲。是二菩薩摩訶薩。皆已住阿鞞跋致。地決定當得阿耨多羅三藐三菩提。俱從蓮華臺中而出。更整衣服。右膝著地。一心合掌。各白佛言。世尊。娑婆世界去此幾何。爾時善住光華。開敷佛前。二菩薩言。娑婆世界去此佛刹恒河沙世界之外。文殊師利從彼而來。是時善音善聲菩薩俱白佛言。世尊。於彼世界佛号何等。今欲知之。爾時善住光華。開敷佛前。即便答言。娑婆世界有佛如來。多陀阿伽度。阿羅呵三藐三佛。陀号釋迦牟尼。今現在世。是二菩薩復更問言。釋迦牟尼佛。為說何法。彼佛答言。說三乘法。而彼菩薩復白佛言。云何名為三乘法。佛言。所謂聲聞。乘辟支佛。

不退轉法輪經第一卷 第五段 下

乘佛乘釋迦牟尼佛常作如是說三
乘法時彼菩薩復白佛言世尊諸佛
說法何故不同佛言一切諸佛有所
說法悉皆同等彼諸菩薩復白佛言
云何同等佛言不退法輪一切諸佛
皆悉等說時彼菩薩復白佛言世尊
何以故釋迦牟尼佛說三乘法佛言
娑婆世界衆生心多下劣若說一乘
則不能解是故釋迦牟尼佛以善方
便為諸衆生出五濁世分別說三引
導衆生今入一乘時二菩薩白佛言
世尊釋迦牟尼佛說法為甚難佛
言釋迦牟尼佛說法實為甚難善音
善聲菩薩白佛言世尊我等今者使
得善利不生如是下劣惡國今時佛
答二菩薩言莫作是語當疾捨離善
音善聲菩薩復白佛言世尊以何因
緣令捨是語彼惡世中說此法難以
是故我等今者不生喜樂佛言於此
世界二十億那由他劫修諸善根不
如娑婆世界於一食頃與諸般若波羅
蜜相應令一衆生歸依三寶受持五
戒遠離聲聞辟支佛心使發無上菩

不退轉法輪經第一卷 第五段 下

提道意其難於彼二十億那由他者
況復有能勸人出家讚歎功德廣為
說法今出三界作如是教逮得已利
修集善法入諸禪定何以故此諸衆
生多為煩惱之所濁亂是二菩薩復
白佛言世尊云何於彼世界諸衆生
等多為煩惱而濁亂耶佛言若我盡
壽更為汝等說娑婆世界衆生濁亂
貪欲瞋恚愚癡無量諸惡不善諸法
猶不可盡惟佛能知業報善惡今時
善音善聲彼菩薩等俱共歎言是真
釋迦牟尼佛是真釋師子是真釋仙
作如是等三種讚歎善哉說法善知
心念亦為廣說諸不善法貪欲瞋恚
愚癡邪見無量諸惡巧說善趣及向
聲聞辟支佛道皆歸於佛成就佛智
第一清淨發菩提心隨順解脫入佛
智慧為諸衆生成熟善根心無所滯
彼諸菩薩皆悉共取七寶蓮華若干
種色有百千萬億葉如金剛寶藏天
紺琉璃為鬚龍堅栴檀為臺衆寶為
莖不著塵水眼識所知其華微妙於虛
空中而自迴轉不可執持猶如影幻

不退轉法輪經第一卷 第五段 下

從業報生亦從解脫諸三昧生於虛
空中取已遙散娑婆世界釋迦牟尼
佛上持諸華鬘華蓋悉是衆寶亦有
寶雲寶蓋及雜綵繒蓋末香塗香無
量種色供養釋迦牟尼佛已五體投
地向佛作禮皆作是言南無釋迦牟
尼佛此娑婆世界菩薩摩訶薩在嚴
大乘精進無懈憚諸功德悉能護持過
去未來現在諸佛一切正法為欲拔
濟苦惱衆生作大照明住於一乘我
等欲往見釋迦牟尼佛及娑婆世界
諸大菩薩摩訶薩衆以大莊嚴而自
莊嚴為紹佛種使不斷絕善住光華
開敷如來聞諸菩薩作是語已觀察
其心復重為說諸佛功德示教利喜
告諸菩薩言汝當隨學釋迦牟尼佛
本所行道於一切衆生發大慈心生
利益心於諸深法莫生驚怖及諸誹
謗而起無相具足善根不求果報如
是菩薩摩訶薩皆悉當往釋迦牟尼
佛國以本願力俱生於彼護持正法
隨順諸佛本所修學汝可往見彼二
菩薩作如是言我當乘佛神力及過

去未來諸佛之力而詣於彼善住光華開敷如來告善音善聲菩薩等汝今當共文殊師利詣娑婆世界亦語文殊師利與二菩薩俱共到彼時二菩薩語文殊師利占我等欲見釋迦牟尼佛及諸菩薩一切大眾當依汝神力得見彼佛文殊師利語二菩薩言善男子汝等應當先禮彼佛亦應親近供養恭敬無數諸佛悉為利益十方世界一切眾生為欲增長佛菩提故亦為成就佛智慧故彼二菩薩即如其教作如是言我等亦當隨逐供養諸佛如來親近禮拜尊重讚歎當學文殊師利為欲利益一切眾生今時文殊師利便禮善住光華開敷如來遶佛三匝恭敬尊重與諸菩薩并舍利弗俱詣於彼到已聽法受佛教勅諦觀如來散華供養末香塗香繒蓋幢幡清淨第一悉為過去諸佛神力之所護持念慧堅固悉遍供養佛法僧寶為一切眾生得解脫故如大力士屈申臂頃於彼東方恒河沙佛前忽然而見於諸佛所即便勸請

所說清淨不退轉法輪是諸佛國無有女人亦無二乘聲聞辟支佛名亦如善住光華開敷佛國等無有異諸世界中純大菩薩以為莊嚴是諸菩薩毛孔中皆出蓮華蓮華臺中皆有菩薩一蓮華臺上皆有文殊師利志作如是神通變化供養諸佛南西北方四維上下乃至十方世界悉有文殊師利說不退轉法輪皆有二菩薩從華臺中而出問佛彼娑婆世界云何名為說三乘法皆悉欲隨文殊師利見釋迦牟尼佛今時文殊師利法王子於十方世界安慰諸菩薩等我當共汝俱往至彼娑婆世界到閻浮提天將欲明是時阿難天既未曉門簾孔中而見光明即起出外便見大光遍照祇洹淨水澄潔湛然盈滿淵明鏡徹無諸塵垢林樹精舍悉皆不現阿難見已即作是言今何因緣忽有是相尋念此瑞必說大法今時阿難入其水中足不沉沒水不著身心意歡喜即往佛所遶佛住處有十千蓮華聞大音聲見諸蓮華皆出

光明其光遍照祇洹精舍及舍衛國閻浮提內三千大千世界悉皆大明如晝光照阿難踊躍發大歡喜右膝著地恭敬合掌一心向佛今時明相便已顯現日欲出時見十千蓮華中有一蓮華於祇洹林取勝特出尊者阿難發心念言今日世尊必應說法我當敷座以待如來見有如是說法相故即便為佛敷師子座於一瞬頃剎那中間佛坐已定於大地六種震動乃至十方恒沙世界亦復如是六返震動三千大千世界遍布天華拘物頭華分陀利華優鉢羅華諸果華樹自然而出時諸比丘皆悉欲出見其大水而心驚怖都不敢出見祇洹林僧房池水悉已盈滿清淨無垢一切樹木及諸僧房堂舍園苑亦皆不現惟見光明無不遍照諸比丘等俱作是言今此瑞相必說大法今時世尊從禪定起安詳而坐十方世界一切諸佛放大光明若干寶網百千萬億無數種色眼識所識不可執捉文殊師利共十方恒河沙等諸佛世

不說佛法論經卷第一

界大菩薩等為欲利益無量眾生於
一一諸佛多陀阿伽度阿羅訶三藐
三佛陀皆悉禮拜供養恭敬尊重讚
歎與如是等諸菩薩摩訶薩俱神通
變化不可思議欲令眾生使信佛法
教化利益隨其所應皆得聞見方便
為說志令解悟爾時文殊師利知釋
迦牟尼佛坐已一切大地六返震動
有諸菩薩從地踊出一阿僧祇百阿
僧祇乃至百千萬億那由他數阿僧
祇等悉來集會俱共遠佛至百千市
復持無數蓮華若干種色其葉元量
不可思議而散佛上能令眾生一心
專念發趣勝慧所散之華遍覆三千
大千世界龍堅栴檀種種諸香持戒
忍辱精進禪定智慧方便神通波羅
蜜皆是無想助道之香并諸栴檀眾
雜妙香悉為十方諸佛神通之所護
持以用供養釋迦牟尼佛爾時文殊
師利為欲供養諸如來故與眾菩薩
莊嚴妙塔持諸摩尼八楞寶珠及眾
寶樹繒蓋幢幡以雜寶網羅覆其上
亦以摩尼造作僧房門屏戶牖種種

不說佛法論經卷第二

嚴飾池泉流渠及諸大河優鉢羅華
拘物頭華分陀利華眾寶蓮華而覆
水上八功德水亦常盈滿異類眾鳥
皆悉遊集諸天寶樹隨念皆現救度
眾生使得解脫為修佛智發菩提心
皆是文殊師利不可思議神通變化
乘佛神力及指願力亦是釋迦牟尼
佛本行願力文殊師利作是變化為
欲成就調伏眾生心不思議見不思
議發大莊嚴入聖境界爾時文殊師
利并諸菩薩摩訶薩眾莊嚴一切如
意花樹至於佛前是諸菩薩若欲坐
時文殊師利先現其相於剎那須臾
相蓮花從毛孔出莖若干種無量百
千雜色其葉無數不可思議金剛寶
藏以為光網天紺琉璃以為其顯龍
堅栴檀以為其臺有諸菩薩而在其
中結加趺坐爾時釋迦牟尼佛放廣
中光普照六道幽闇之處億千種光
皆如阿提目多伽色種種無數光明
細軟如蓮華藏清淨香潔周遍十方
通達無導蓮花臺中出妙樓閣佛所
護持與法界等如寂滅樂解脫之色

不說佛法論經卷第三

空無相無願無作無為無生無滅與
三世等悉入空界過於眼境文殊師
利在樓閣上正身端坐心不動攝念
佛境界自證空法得金剛三昧善學
釋迦牟尼佛法決定成就無緣三昧
深入佛慧文殊師利并諸菩薩摩訶
薩於十方世界作佛事已心樂正法
常勤修集亦於過去諸佛法中久種
善根皆是文殊師利之所攝持志行
菩提心無退沒猶如師子處無畏座
佛告阿難汝語祇洹諸比丘眾及舍
衛國諸比丘尼如來世尊今欲說法
令舍衛國優婆塞優婆夷等信樂三
寶善根純熟悉皆來集一時聽法尔
時尊者阿難從其僧房及經行處皆
即告言佛欲說法時有比丘已來集
者復有比丘住在房中各言已見說
法光相而我等輩不能得往阿難復
問何故不來諸比丘言今見祇洹大
水盈滿無諸樹木惟見光明未敢便
去尔時阿難即往佛所白言世尊諸
比丘不能得來何以故見祇洹中大
水盈滿清淨無垢亦復不見精舍樹

木以是義故皆不得來佛告阿難彼諸比丘於無水中而生水想無色中生於色想無受想行識中生受想行識想無聲聞辟支佛作聲聞辟支佛想阿難汝今更往喚諸比丘從其僧房及經行處來聽法尔時阿難即承佛教到舍衛國勅諸比丘并比丘尼優婆塞優婆夷等世尊今者為欲說法令使我喚宜速往聽諸比丘比丘尼優婆塞優婆夷皆悉來集至於佛前佛告目連汝今當從三千大千世界諸菩薩摩訶薩等發大莊嚴比丘比丘尼優婆塞優婆夷皆趣大乘天龍夜叉乾闥婆阿修羅伽樓羅緊那羅摩睺羅伽人非人等亦皆集會而來聽法所未聞者皆悉得聞天人阿修羅皆來聽法已於過去無量諸佛宿殖善根發趣大乘求大乘者成最勝乘亦名清淨第一之乘菩薩摩訶薩發大莊嚴而自在嚴修此乘者普告令知悉來集會目連白佛言唯然世尊如壯力士屈伸臂頃遍至三千大千世界於諸菩薩大莊嚴所諸

比丘比丘尼優婆塞優婆夷天龍夜叉乾闥婆阿修羅迦樓羅緊那羅摩睺羅伽人非人等以佛神力及誓願力皆悉聞知即還佛所白言世尊我悉告已尔時四眾一切雲集縱廣千由旬高五千由旬滿中天天人心樂聞法文殊師利白佛言世尊四眾已集是時諸天遍滿虛空皆悉合掌而白佛言今此大衆皆悉驚懼如來威德不敢輒坐惟願世尊賜聽今生尔時如來即現瑞相於剎那頃有閻浮提全蓮華百千萬億葉從地踊出光色照耀猶如火藏以天琉璃為鬚赤真珠為臺上寶為莖一切大衆皆各自知坐如來前比丘比丘尼優婆塞優婆夷天龍夜叉乾闥婆阿修羅迦樓羅緊那羅摩睺羅伽人非人等皆面向佛瞻仰世尊尔時文殊師利菩薩最為上首諸菩薩摩訶薩皆以三十二相而自嚴身色如真金勇猛精進威德熾盛尔時諸菩薩摩訶薩文殊師利等皆從華臺起合掌向佛勸請世尊一心念佛尔時文殊師利白佛言

世尊四眾皆集寂然已定一切諸天遍滿虛空惟願世尊廣說清淨不退法輪是時比丘比丘尼優婆塞優婆夷無量百千諸天有信行法行者并諸八輩有須陀洹想斯陀含想阿那含想阿羅漢想聲聞想辟支佛想佛想各作是想願佛演說安慰其心何因緣故說信行法行乃至八輩須陀洹斯陀含阿那含阿羅漢何以故作如是說世尊默然尔時尊者舍利弗白佛言世尊我於夜後分天欲明時從坐而起出其住處即向文殊師利房到已前入其舍見如來室有十千蓮華周匝踊出天鼓自鳴聞歌詠聲見祇洹林及舍衛國三千大千世界光明普照今何因緣而現此瑞舍利弗作是語已佛即告言為說法故先現斯瑞是時文殊師利請問如來為說何法先現此瑞尔時阿難復白佛言世尊我於夜後天欲明時於戶牖中光從而入見已即從坐起便出其房見祇洹林滿中淨水無垢無濁不見樹木精舍僧房惟見大光何因何

緣先現此瑞不退轉法輪經第一卷 第十六章 本今時世尊告阿難言如

來為說清淨法輪亦是文殊師利神

力勸請瑞相今時世尊為文殊師利

即說偈言

此乘清淨 成得佛智 文殊妙辯

發問斯義 一乘無垢 得佛上智

文殊為顯 故作斯問 乘無分別

離諸戲論 文殊為顯 故作斯問

本無有來 亦復無去 猶如涅槃

文殊所問 實無得果 亦無所說

但以方便 引導眾生 遠離音聲

聲即一相 文殊為顯 故作斯問

尋聲求聲 無聲可取 聲名字空

文殊所問 是聲如風 無所依止

聲即解脫 文殊所問 阿難諦聽

文殊所問 方便菩提 皆無所有

佛及菩提 有聲無實 亦無方所

諸法皆然 菩提無色 因緣無生

無有去來 是諸佛說 無為無相

如空無見 菩提無說 文殊所問

去來今佛 一切皆然 智無方所

無聞無見 性相如是 顯現法界

但以假名 開示真實 修清淨施

持戒無缺 忍辱堅固 志求菩提

精進無懈 修禪攝意 智慧清淨

以求菩提 佛善方便 度諸神通

無依眾生 為說菩提 分別三乘

四果差別 以如實智 隨應救世

現五濁刹 為諸下劣 於一乘道

驚疑不信 故說四果 開示羅漢

從聲聞門 入佛教門 說數無數

因緣差別 現見四諦 證諸法相

聲聞羅漢 緣覺辟支 同得無生

是為菩薩 行空無相 無願三昧

入解脫門 安住涅槃 去來今際

心無所著 能開十方 無生無為

如是深法 阿難文殊 方便發問

無相慧力 乘一乘道 知法無相

是故問佛 今說諸果 三世平等

知空無相 諸聲寂滅 無佛菩提

無數恒沙 諸佛世界 求求菩提

文殊召集 聞彼諸佛 菩薩所行

欲說三乘 集安婆界 文殊發問

為決疑惑 乘果分別 請說菩提

以佛神力 及指願力 故說三乘

度苦眾生 今勤修習 文殊聲辯

願救世說 菩薩所行 億下諸天

供養救世 生果想者 安慰彼疑

如是比丘 及比丘尼 清信男女

作取勝相 文殊所問 為慰疑惑

是諸菩薩 為法故求

不退轉法輪經信行品第二

今時世尊說是偈已阿難白佛言如

來今為文殊師利轉不退法輪作如

是問佛言如是如是阿難復白佛言

世尊如來今轉不退法輪耶佛言如

是如是阿難如來實轉不退轉法輪

阿難復白佛言如來云何方便說於

信行法行如是八輩須陀洹斯陀舍

阿那含阿羅漢聲聞辟支佛是諸人

等如來皆為顯示菩薩法耶何故復

言為下劣眾生出五濁世不解大乘

如來自在成就方便見諸眾生大心

者少多懷下劣是故世尊知其根性

開示佛法方便濟度以無量善法教

化眾生令滅諸苦得盡生死離諸衰

惱今住正證無為涅槃乃至使得一

切種智今時世尊告阿難言菩薩摩

訶薩為無量無邊眾生令生信解佛

之知見及無數諸佛所知之法無色
乃至受想行識無染無著是名信行
復次阿難菩薩摩訶薩能信如來一
切法空作如是解亦復名為菩薩信
行菩薩摩訶薩信佛智慧心生欣樂
云何智慧都不見法以不見故名為
信行復次阿難菩薩摩訶薩不塗五
欲不捨信心是名菩薩信行菩薩摩
訶薩復作是念以不思議法施諸衆
生猶如如相能信如是不思議法施
者是名菩薩信行菩薩摩訶薩以歡
喜故能捨己身而不厭足於一切處
不生嫉恚所作之施皆志迴向作是
迴向已而亦不取菩提之想以不壞
故是名菩薩信行復次阿難菩薩摩
訶薩以清淨信正念向佛心無垢穢
亦信無垢諸法平等無有衆生壽命
我人無陰界入亦自不著壽命處所
是名信行解脫教化衆生令信佛法
以調伏心迴向菩提亦不見心相能
知六界陰入平等志同法界以無分
別故則知法界無有異相是名信施
一切無常一切行苦一切行空一切

行無我於是法中得智慧力信施信
聖戒不戲論戒得禪定力信寂滅界
是名信施菩薩雖教化衆生常信寂
滅然不取於衆生之相觀諸衆生同
於寂滅善知一切衆生無相志同法
界非見非不見何以故法界即是一
切衆生心界是名菩薩摩訶薩信行
復次阿難菩薩摩訶薩觀一切衆生
無有真實無住無滅性相本空是故
不見一切衆生無依止處觀一切衆
生同涅槃界何以故一切衆生悉入
空界菩薩能令如是無量衆生皆生
信解是名菩薩摩訶薩信行亦時世
尊欲重宣此義而說偈言
多信衆生 見無數佛 不著色相
是名信行 信一切法 開示空相
成就解脫 是名信行 常信正法
欣樂求佛 何時當得 不思議智
觀察五欲 無可信者 逮得信力
是名信行 如是之信 取為善我
當修法施 供養大仙 不思議施
故得信辯 無下劣想 是名信行
悉捨一切 所受之身 而無捨想

是名信行 能施一切 不懷嫉妬
捨菩提想 是名信行 信心清淨
無諸濁穢 亦無壽命 是名信行
雖修行施 不求果報 得深信力
是名信行 棄捨六入 不念果報
善解六界 是名信行 已自調伏
亦調伏他 今信佛法 是名信行
得是信已 迴向菩提 而無心相
是名信行 知於六界 悉同法界
雖說法界 不得界相 諸行無常
苦空非我 亦不取著 是名信行
能信聖戒 無諸戲論 成就禪定
是名信行 信諸衆生 同寂滅相
知無相已 是名信行 不著衆生
同入法界 是衆生界 即不思議
以信生信 是名信行 菩薩無畏
體性如空 衆生決定 無所有想
是二俱空 於彼生信 是名信行
菩薩無畏 信諸衆生 不取名字
從信而生 能如是信 常念不失
阿難憶持 顯示分別 如是諸法
無量無數 佛所證覺 菩薩顯現

不退轉法輪經卷第一 第七十張 木
復次阿難如來多陀阿伽度如是深
義具足信力則為廣說是名菩薩摩
訶薩信行尔時世尊見諸衆生信力
堅固復重頌曰

一切聞者心皆歡喜是諸佛子
所說功德菩薩顯現不可思議
諸佛善提不信者信不泯假名
亦無心數不著十方名取勝信
菩薩顯說常修信法不取於空
顯示寂滅救世所說如是解脫
色相亦然如說修行菩薩顯說
智者能信佛不思議無量憶念
菩薩所信虛空無邊佛智無量
号名丈夫志求無著不為貪欲
造作不善而捨樂法是名菩薩
能行法施菩薩之信善指所印
法施不思議信施而飲食摩尼金象馬
車乘奴婢等妻子諸男女捨所有國土
手足支節等頭目及髓腦眼耳與鼻舌
善離之勝信捨身無滌著亦不念行施
我本修法施以求於佛智捨身無滌著
一切施歡喜恒與善知識棄捨危脆身
於諸衆生中信心常清淨聞法信諸佛

不退轉法輪經卷第一 第七十一張 木
是名為菩薩知眼耳鼻舌身根皆無常
不堅如聚沫深信而捨身為無依衆生
建立於四攝慈心於一切信佛無量智
見造惡衆生為發無上心深信於善提
不取諸心相衆生不求道愚惑於六界
謂一切真實無界說界相見流轉衆生
愚癡著諸邊菩薩信無我諸行皆元常
見諸破戒者信戒不思議淨戒立禪定
菩薩住攝心若見懈怠者求佛精進力
調伏諸三昧摠持正法智愚癡著壽命
觀陰無壽者衆生性寂滅諸法相亦然
信陰無未去善惡業不斷目淨不淨業
不離於生死衆生同法界法界即生死
是名不思議菩薩無畏信勝信不思議
精勤修法智不為於少智名為淨信說
同信諸衆生常住無所有於空無有著
一切法不住衆生空亦空同於涅槃界
說法常無相今衆生信解一切法性空
平等觀衆生三有中勝智得如是信持
亦名寂上信好樂無畏法佛法中智人
自信勸他信如是展轉教增長諸功德
淨心無滌著利益之福曰欣樂調伏施
淨戒及忍辱精進禪定等智慧開闢

不退轉法輪經卷第一 第七十二張 木
方便現淨智今衆得勝樂命終離惡趣
菩薩智最勝神通化衆生世界六種動
光明悉普照菩薩之妙智無相師子吼
東西南北等四維及上下皆出於法音
指於佛不疑教他亦令然以是因緣故
顯現無量相住於此智者惟佛能證知
不退轉法輪經卷第一

癸卯歲高麗國大藏都監奉
剞彫造

不退轉法輪經卷第二

信行品之餘

僧祐錄妄妄妄妄妄妄妄妄妄妄

阿難是名如來多陀阿伽度阿羅呵三藐三佛陀為諸菩薩如是方便演說信行

阿難言云何如來復為諸菩薩說於法行佛語阿難汝今當知菩薩摩訶薩不住佛法而能顯示不離法界究竟不思議界受持諸法心無下劣雖說諸法而於法相無所取著無念無住摠持諸法如實相性不取於法不捨非法非樂於法非不樂法雖能如是而離諸法相以善調伏心常安樂善說諸法而無擾亂於諸法相不離於身亦不住身是身前際等法界如虛空無來無去同真際如如相是佛所說菩薩證知清淨無垢觀一切法空無見無取何以故無故離故不著故不見諸法無所執持無有評論顯現法界無言無說體性本空心行處滅是心不可得亦不可思議但示寂

○不退轉法輪經

世無緣境界護持諸法無所依止何以故一切法無體無相故是菩薩法一相無相不可稱譽無果說法若為他說法相名字一切章句皆已自證成就此法名為種性菩薩摩訶薩得是種性已於諸法中無來無去無取無捨持一切法無動無壞以不壞故是名法行成就法故便見一切諸法無相得法利故亦名法行亦時世尊而說偈言
法無退轉 諸佛亦亦 若能持者 是名法行 顯示佛法 無形無相 甚深無染 是名法行 不離諸界 即不思議 到於法界 是名法行 護持諸法 如佛顯示 心無瑕穢 是名法行 轉不退輪 名為無相 而不取著 是名法行 無取無住 受持法智 如是持者 是名法行 心常好樂 求法無厭 遠離懈怠 是名法行 聞法受持 無漏無依 善住安樂 是名法行 若說法者 不念不著 無相受持 是名法行 善身善住 住無處所 是身非身

名知身相 無前後際 等於法性 無去無來 名知身相 亦如諸佛 顯示菩薩 得是法已 是名法行 空界性相 一切無著 能如是持 是名法行 又於諸法 則無障導 顯示無相 若無所見 則無障導 亦無所有 無有諍論 無言無說 亦無所有 離諸心相 而無所得 若心無得 名不思議 無來無去 非不顯現 無緣無說 名不思議 若持是法 不可依止 名無所有 是名持法 如是法者 菩薩所說 無合無散 顯示無作 名為行處 是種性處 得如是利 名為行處 從是種性 無可譏呵 得如是界 是名持法 見法無減 雖行無去 來而不采 不見有法 若來若去 諸法亦亦 如是持法 亦無動搖 不增不減 是無作法 若無增減 是名持法 法相如如 無緣無說 得此法者 是名持法 是故阿難 顯示菩薩 得深法利 是名持法 是故阿難 顯示持法 為不信者 而說是法

第一八冊

三〇九

不退轉法輪經第二卷 第三張 木

如是分別 為菩薩說 皆以方便
開示佛法

如是阿難如來正覺為諸菩薩摩訶
薩說斯方便顯示持法

佛告阿難云何如來為諸菩薩摩訶

薩說八正道法云何菩薩摩訶薩離

於八邪向八解脫出過凡夫修八正

道而無到處遠離諸邊住於中道越

凡夫地安住菩提亦不住菩提相離

諸邪見修於正見不取身相亦復不

住菩提之相佛身無為離於諸數修

佛相者則得衆生一相無相出離衆

生生死陰界安住無為畢竟空含見

一切法無生無住何以故諸法性相

皆無住故遠離世間及出世間住寂

滅處不涂世間不著出世間若法非

法有為無為皆悉遠離捨於斷常住

平等相知過去未來現在心數無有

異相亦不得菩提心相何以故一切

諸心皆平等故身相亦亦是故不為

毒火刀箭之所傷害何以故已離一

切煩惱毒故常生淨國離諸惡趣雖

住諸趣而證菩提常住安隱亦無依

不退轉法輪經第二卷 第三張 木

止以如是義一切刀兵不能加害何
以故見寂滅菩提空無住處以無住

故一切毒箭皆不能害是名無縛乘
於疾乘亦不住乘是名無縛何以故

無所得故是故刀箭不害其身知諸

法空求不可得一切毒害所不能侵

何以故行善之慈遍覆一切故行菩

提慈不得諸衆生故行空之慈諸法

寂滅故行無熱慈遠離諸煩惱故行

如是慈能令刀兵皆不害身欲色無

色界亦悉平等知一切界一切法性

同於菩提等無異相若能如是心無

思慮亦無調戲寂滅清淨菩薩摩訶

薩知一切法如呼聲響離一切相盡

同法界無歸無趣善解一切音聲語

言無亦無說離音聲相不自高已離

於我想過於一切言說音聲而無過

相是故悉知一切法寂滅亦不得一

切法相出過諸法心無所歸於諸言

音亦不涂著今時世尊而說偈言

離於八邪 而修八正 九次八解

是名八輩 出過凡夫 不住菩提

法中之雄 是名八輩 出過凡夫

不退轉法輪經第二卷 第六張 木

不住菩提 離菩提相 是名八輩
捨諸邪見 修行正見 既到道已

是名八輩 過諸身相 不住菩提
離證佛身 是名八輩 離衆生想

常修佛想 度禪定想 是名八輩
離衆生窟 入涅槃城 諸法無住

是名八輩 出於世間 開示聖道
會寂滅界 是名八輩 離諸世間

說佛法相 心無所證 是名八輩
無有有際 亦無無際 遠離有無

是名八輩 寂滅無為 捨於斷常

深八平等 是名八輩 不取過去

及未來心 現在亦不 是名八輩

說有初心 而發菩提 心相自空

何名菩提 無到無出 亦無菩提

毒火刀箭 所不能害 斷於諸趣

永離依止 無來無去 而無所害

無向菩提 顯說音聲 自證如實

不由他教 不得是趣 及諸非趣

聲念念滅 大乘速顯 常說安隱

第一空法 若能速證 是名無縛

疾乘是法 菩薩所記 心無棄捨

是名無縛 刀兵惡趣 所不侵逼

是名無縛 刀兵惡趣 所不侵逼

是名無縛 刀兵惡趣 所不侵逼

是名無縛 刀兵惡趣 所不侵逼

身得無畏 毒不能害 菩薩行慈
 普遍一切 離於諍訟 是名無縛
 不取身相 善分別身 到菩提道
 棄捨惡趣 除其愚癡 神通自在
 得明善提 是名八輩 知欲色界
 及與無色 三界同相 是名八輩
 諸界平等 離惱善提 妄想無智
 所不能染 出一切相 無所識燻
 若有所說 皆趣法界 說無所趣
 同於法界 心住法忍 是名八輩
 若欲修行 住寂滅法 不自稱已
 而為他說 出過聲相 度無聲相
 不著音聲 是名八輩 因聲解脫
 知法無相 亦無住處 無趣無出
 阿難當知 如是八輩 於諸說中
 寂為第一

尔時世尊告阿難言汝今當知如來
 等正覺為諸菩薩摩訶薩方便說亦
 如是八輩

阿難言云何如來世尊為諸菩薩摩
 訶薩說須陀洹佛言須陀洹者所為
 得入聖道流名不思議佛法若菩薩
 摩訶薩能如是修不見道及所修道

度一切相源流佛法非色非生於一
 切法無著一切法無處一切法無緣
 一切法無住一切法無所有一切法
 不成就菩薩摩訶薩若到是道得堅
 精進堅勢力堅智堅慧不生懈怠安
 住寂滅乘如實道救護眾生取勝無
 上不取是道亦復不住修如是道求
 一切法而無所得不沒不動無住想
 無道想無世間想無佛想無念皆平等
 無諸蓋障智行境界無所罣尋於一
 切法及諸邪見住平等相開佛知見
 示深法門分別身見出過我想是名
 須陀洹不取佛道究竟無尋樂求佛
 道不著有戒亦不取佛戒非戒取戒
 非取相戒三結已離不住三界如佛
 所學修行聖道離一切想不取於緣
 無諸障尋入於佛道心得寂滅不著
 壽命我人等見諸根清淨遠離煩惱
 為修善提而行於施捨一切救苦
 眾生使度四流今立涅槃盡諸有相
 顯示無相若見四眾不生怖畏志求
 寂滅淨善提道已離怖畏無有死畏
 何以故現證寂滅離諸塵垢善住佛

道知去來趣亦無去來而善分別眾
 生之想心無戲論究竟佛道是名菩
 薩摩訶薩須陀洹相

不退轉法輪經聲聞辟支佛品第三

尔時世尊即說偈言

說於四道 佛難思議 若有住者
 不退善提 猶如虛空 無所依止
 無住無緣 離於取著 是名為道
 得堅固意 乘如是乘 無上救世
 不住彼此 不處中流 不著佛道
 名須陀洹 一切世間 及佛餘法
 究竟彼岸 名須陀洹 滅諸蓋障
 顯示佛道 盡一切相 名須陀洹
 不高已身 而起佛法 開示知見
 入於佛慧 先起我想 顛倒眾惡
 如是知已 不著佛道 本疑於佛
 為得不得 究竟無著 不取道想
 不起戒取 善住佛戒 常修正勤
 不取戒想 斷於三結 不著三界
 行於佛道 知眾生想 雖修善提
 而不取想 心行寂滅 清淨佛道
 歡喜布施 遠離羣感 住於正命
 心無戲論 悉捨一切 濟苦眾生

得無上施不逆轉法輪經卷第一 第二 第三 名須陀洹 斷數數生

無相無著 遠離恐怖 出世間畏

法及非法 一切皆捨 不著諸陰

名世間明 安處四眾 而無所畏

顯示寂滅 淨修佛法 無眾生想

亦非實想 是名無染 分別怖畏

離一切畏 亦無死畏 慶於寂滅

雖垢安隱 已過惡趣 是故不畏

善說諸道 無漏無相 菩薩之法

示須陀洹 為諸下劣 故作是說

以巧方便 顯示佛法 為放逸者

故顯此法 救世世尊 多方便說

隨其本行 而示佛道 阿難當知

是須陀洹 為小智者 說如是事

不解方便 愚癡狹劣 不識甚深

而生評論 以百千法 示須陀洹

須陀洹者 顯菩提法

如是阿難如來等正覺為諸菩薩摩訶薩

以善方便說須陀洹

阿難言云何名如來等正覺為菩薩摩訶薩

薩隨順於智佛智不可思議修無

量因亦不取因相及菩提智能斷一

切惑而求佛智慧讚歎金剛三昧出

過一切諸禪定上滅一切結煩惱暗

障悉見於佛得一切佛法平等正觀

以無量因求無所得如佛證法不動

眾生亦不動於眾生之界而取法界

無量眾生於曠劫中多所乏少不能

成就菩提之道引諸眾生到不退轉

志求於佛根力覺道禪定解脫名無

色定我今當以如是等法開示眾

生今得解悟而求佛道欲坐道場求如

實智通達佛眼不思議眼為欲利益

一切眾生求於佛眼如是智慧為眾

為上志知諸法甚深之相而自於智

無所分別安立眾生住於諸法中使

知一切法不住為得是法而來集會

名斯陀含來已見眾生界及不思議

界通達無尋不取境界亦無得無到

云何當有成就眾生不見成就眾生

故於一切法及眾生界非見非不見

而知眾生流注法界明了法界同於

菩提解於法界及眾生界無量佛道

無得無分別同於道智近無等智離

垢清淨得無所得證無所證是名真

智菩薩摩訶薩求如是智名斯陀含

今時世尊而說偈言

隨順此智者 是名不思議 為求佛慧故

故名斯陀含 無量因緣說 成就菩提道

修行是法故 我常往來求 不動三昧相

滅除煩惱結 是故專修習 成就而不退

亦知法非法 通達無尋相 住諸法實際

修於斯陀含 隨順佛所說 如聞而修行

為得此法故 我常往來求 法界亦曾有

不動於眾生 是名斯陀含 寂滅去來相

眾生無智慧 愚癡甚苦惱 為欲安立故

而求佛智慧 聖力覺道等 禪定及解脫

勤修三昧相 而求佛智慧 究竟菩提道

諸佛之所行 是名斯陀含 發行而常求

若得如是法 佛眼難思議 是名斯陀含

恒求於佛眼 如佛所應求 為救護依止

我今所求者 一切智最上 是智之所知

諸法相真實 於智無染著 是智為最上

是智之所知 諸法相真實 心常無所染

恒求如是法 利安諸眾生 一切智中上

是名斯陀含 往來之所求 諦觀於法界

眾生不思議 是名斯陀含 為求眾境界

知眾境界已 不著於眾生 是名斯陀含

而求無所得不退轉法輪經卷第一 第三十三若不得衆生一切法無相能作如是知不退轉法輪經卷第一 第三十三開導諸衆生雖觀一切法不見觀察相執心無亂意而求諸佛法如是清淨智遠離一切垢不得是智相是名為求道不退轉法輪經卷第一 第三十三開示諸衆生菩薩所不識是名究竟智不退轉法輪經卷第一 第三十三為得彼故來阿難汝當知為說斯陀舍不退轉法輪經卷第一 第三十三少智諸衆生妄相著是非阿難汝當知不退轉法輪經卷第一 第三十三為說斯陀舍使精勤衆生今作如是解不退轉法輪經卷第一 第三十三常善修多聞決定甚深法速得真實義速成於菩提

阿難是名如來等正覺為諸菩薩摩訶薩方便說斯陀舍阿難言云何名如來等正覺為諸菩薩摩訶薩說阿那含佛告阿難菩薩摩訶薩出過一切世間之相究竟佛行心無行處雖知去來而常不取去來之相知一切法無依住亦不來還何以故不見諸法有去無去出過凡夫除凡夫想不著佛想逮無住法何以故究竟一切寂滅法界亦不得佛與凡夫差別之相遠離惡道除其貪欲不著衆味離於四食開示知見不取一切六十二見不見有相不著無相悲離有無於

垢摧伏衆魔遠離愚癡拔無明箭不退轉法輪經卷第一 第三十三結使開示諸有拔愛欲箭除諸憍慢曉了陰相究竟明慶常樂佛乘不思議系到於一切諸法實相菩薩摩訶薩若能如是出於淤泥離於繫著得本願藏亦得過云未來諸佛之藏志於一切伏藏中上亦為過去諸佛之所建立而心平等不高不下得如是乘於諸衆生為最勝第一無上菩薩摩訶薩究竟佛乘於一切法悉得無相菩薩摩訶薩於諸法中斷於疑網證不退果復次阿難菩薩摩訶薩以四加擔攝取一切衆生安立一切衆生悉入佛乘住菩提道云何安住菩提所謂衆生相如實覺悟住衆生界何以故善知空界不思議界離衆生想何以故是賢聖界即衆生界不思議界即是空相亦無衆生離諸結使猶如虛空無形相實無所有無染無著知一切衆生悉皆平等不出不沒究竟菩提離衆生相猶如空界無

所覺了何以故無法可得如是無得即是一切法相及衆生相心所覺了即非覺了何以故無法可得如是無得即是無證是故名為得阿那含一切衆生一切諸法佛法僧等出如是相名阿那含余時世尊即說偈言

不復還來 滅凡夫法 捨世間行 名阿那含 知無去來 無住無依 無有處所 是故不來 捨於凡夫 為佛教護 更不復來 名阿那含 法無有去 亦無來相 無來無去 名阿那含 斷諸貪欲 不著四食 不退道場 名阿那含 除滅一切 六十二見 而無所去 名阿那含 離一切有 心無常相 解了如實 是故不來 涅槃寂滅 離諸煩惱 滅去來相 是故不來 斷諸惡趣 離一切垢 證於涅槃 是故不來 摧伏怨敵 諸魔軍將 超出假名 是故不來 拔無明箭 害一切愛 棄捨喜欲 是故不來 滅諸結使 開示陰相 得決定智 名阿那含 拔憂惱刺 破憍慢山 善解五陰

不退轉法輪經第三卷 第十疏 本

名阿那含 究竟照明 莊嚴佛乘
出欲淤泥 名阿那含 悉知伏藏
諸伏藏上 佛所安置 是故不來
安住寂勝 佛乘無上 斷除諸結
名阿那含 以四不捨 建立菩提
住菩提已 是故不來 知諸空界
難可思議 除滅諸想 是故不來
於諸衆生 及法界相 而無所得
是故不來 心無所取 不隨於相
安住菩提 名阿那含 衆生界空
不可思議 知如是法 是故不來
如是阿難 顯示那含 諸無尋相
安立佛法

不退轉法輪經第三卷 第十疏 本

如是法故名阿羅漢如過去諸佛所
應說法未來現在一切諸佛亦如是
說無有戲論具足清白演說真實音
提之法名阿羅漢安立衆生住菩提
道無所取著名阿羅漢應行諸波羅
蜜慈得佛大慈滿足衆生無相之慈
亦能安立一切衆生如是修慈無所
分別不取衆生及以慈相名阿羅漢為
一切衆生說法而於諸法都無所取
若能如是名阿羅漢分別顯示根力
覺道於諸衆生無染無著名阿羅漢
善知一切衆生心行發起菩提能如是
者名阿羅漢演說一切有為諸行而
不取著名阿羅漢亦為諸餘一切衆
生說無著行無取行作如是說名阿
羅漢遊諸佛國心無去相志到佛所
以無相智如佛而見名阿羅漢若能
如是成就佛國具足諸功德亦名不
思議平等無垢清淨福田空行福田
阿鞞跋致福田第一清淨無女人相
福田離諸結使貪欲福田如佛證知
能盡一切蓋障福田摧伏諸魔塵勞
福田志制外道邪見福田一切福田

不退轉法輪經第三卷 第十疏 本

莊嚴福田離於一切怖畏福田無諍
福田寂滅福田神通福田寂勝福田
無窟宅福田無盡福田具足菩薩所
行福田得佛自在取上福田佛所護
持福田變化福田以是法印印諸衆
生今得安隱巧說福田一切瓔珞莊
嚴佛界決定涅槃寂滅福田亦於一
切福田中成就如是福田能知一切
法不生不滅名阿羅漢除諸染著見
來瞋者而心不憚名阿羅漢於一切
法不取其相名阿羅漢滅除習智修
寂上智而能速證名阿羅漢以是威
儀建立菩提菩提勢力名阿羅漢如
是菩提亦名不思議不思議者亦名
不動如是不動能令無數億種衆生
安立菩提無所取者皆住平等同於
壞相無所有相知一切法皆入菩提
住無所住阿羅漢如是知已能為衆
生說如斯法而不染著雖有言說亦
無說相度諸衆生亦復不取諸衆生
想斷常二邊於身不動不斷煩惱而
離憍慢於一切法無生寂滅無行不
壞色相不壞受想行識諸凡夫法相

而心不動以求解脫安住佛法亦非
 安住須陀洹果相解脫斯陀含阿那
 含阿羅漢果相解脫妄見一切起諸
 顛倒取佛智慧解脫妄見取菩提心
 解脫妄見修菩提施解脫妄見修菩
 提戒解脫妄見惱害忍辱解脫妄見
 懈怠精進解脫妄見妄想禪定解脫
 妄見愚癡智慧解脫妄見聲聞凡夫
 解脫妄見父母妻子男女眷屬如
 是等一切解脫妄見貪著諸欲无量
 苦惱而生親愛起於染著是結使法
 是惱害憂於此法中生二種相為除
 妄想度脫眾生名阿羅漢為除利養
 貪求妄想及在家出家想於諸鄙賤
 及軍勝法皆悉平等而亦不見此凡
 夫法彼是佛法為斷如是妄想顛
 倒說解脫法若欲嚴淨佛國教化成
 就如是眾生是名涅槃如是眾生不
 名涅槃如是眾生行於諸有如是眾
 生不生諸有如是眾生行於菩提如
 是眾生不行菩提如是眾生毀破禁
 戒如是眾生受持禁戒如是眾生名
 有智慧如是眾生名無智慧若有眾

生起於二心而生妄想為除如是眾
 生妄想非福田非不福田如是眾生
 勤行精進如是眾生不勤精進是愚
 癡法是智人法是女人法是男子法
 是聖法是非聖法起於二想為除如
 是二心妄想故菩薩住於不退菩提
 亦非不退菩提有受菩提記亦非受
 菩提記有近菩提座非近菩提座有
 如是二心起虛妄想如是菩提速得
 菩提菩薩不得菩提直實解脫以要
 言之著一切法皆是妄想是故阿難
 阿羅漢為斷一切眾生妄想使得解
 脫故能如是說無相法是名菩薩摩
 訶薩阿羅漢亦時世尊而說偈言
 除一切行 離生死行 出於世間
 名阿羅漢 滅煩惱結 度脫一切
 諸苦眾生 名阿羅漢 不得眾生
 及諸結使 於法無利 名阿羅漢
 滅除妄想 住無妄想 知諸法空
 名阿羅漢 知空寂勝 而得無相
 盡一切相 名阿羅漢 滅諸眾生
 一切惡相 棄一切相 名阿羅漢
 除諸邊際 得無想法 而自證知

名阿羅漢 為得菩提 難可思議
 發勝精進 名阿羅漢 若說於法
 無毀無濁 安立菩提 名阿羅漢
 為淨福田 今眾得樂 不得眾生
 名阿羅漢 若說諸法 一切無取
 無法非法 名阿羅漢 覺道根力
 為眾顯示 得第一果 名阿羅漢
 善知眾生 淨於菩提 為說是相
 名阿羅漢 世間所說 一切諸行
 於行無著 名阿羅漢 勇猛世尊
 難思福田 隨佛住處 為人演說
 若欲見佛 無見不見 如佛所見
 名阿羅漢 是應福田 賢聖福田
 無上精進 名阿羅漢 遠離染欲
 於瞋不瞋 亦說菩提 名阿羅漢
 知一切法 寂滅無相 是故菩提
 名阿羅漢 不動一切 諸眾生界
 今無數億 安住菩提 眾生菩提
 悉住無相 知彼平等 名阿羅漢
 得無等等 同一切法 而知無相
 平等菩提 能如是解 說名羅漢
 知如實法 清淨無濁 為眾說法
 而無所說 度無量眾 亦無動搖

不退轉法輪經卷第三 第三十六

不得衆生 斷常諸邊 而衆皆見
度脫苦惱 究竟諸法 無生無滅
而已方便 度脫衆生 不壞於色
受想行識 亦復如是 即名解脫
於諸凡夫 而無動相 建立佛法
安住解脫 能令衆生 不念果報
佛解脫相 為人說法 妄取菩提
修行布施 持戒忍辱 為除妄想
懈怠懶惰 取相精進 除解脫相
羅漢所說 生禪定想 愚無智慧
為令解脫 說阿羅漢 此無相法
能除虛妄 如是說法 名阿羅漢
衆生虛妄 取聲聞想 無解脫相
羅漢說法 父母妻子 愚癡取著
則非菩提 塗著生死 兄弟姊妹
妄生親愛 寂滅解脫 名阿羅漢
造諸行業 貪著親愛 見即生戀
本是我親 更相塗著 不離世間
不識離別 今魔自在 羅漢所說
為取極惡 如是過患 二俱虛妄
於諸結使 皆悉覺悟 行無戲論
羅漢所說 為利多人 在家出家
如是解脫 羅漢所說

不退轉法輪經卷第三 第三十六

多生妄想 凡愚取著 羅漢解脫
見家繫縛 廣顯正法 凡愚妄想
羅漢解脫 棄捨凡夫 無利佛法
捨利無利 名阿羅漢 見有低下
若干等種 衆生取想 羅漢解脫
成就取相 多所修習 如是著相
善能解脫 得佛福田 究竟真實
妄取是田 羅漢解脫 無滅非滅
亦物非物 雖修菩提 不得菩提
持戒毀戒 有智無智 衆生愚癡
起於二想 人多取著 有若干種
解脫此想 羅漢所說 作福田想
非福田想 無智凡愚 作種種想
於諸女人 及與男子 聖非聖法
作二種心 如是衆生 凡愚無智
取著二想 羅漢解脫 退不退法
有記無記 近坐菩提 不取菩提
得菩提已 畢竟寂滅 永離生死
取涅槃想 斷衆生縛 滅一切相
是故羅漢 為名解脫 菩薩法介
現為羅漢 不起法忍 即羅漢智
如是羅漢 菩薩不識 心常住於
取上菩提

不退轉法輪經卷第三 第三十六

今時世尊告阿難言汝今當知是名
如來等正覺為諸菩薩摩訶薩方便
說阿羅漢阿難言云何如來等正覺
復為諸菩薩摩訶薩說名聲聞佛言
阿難菩薩能使無量阿僧祇衆生以
佛法聲令一切聞故名聲聞亦令得
聞不可思議聲聞不可思議聲已而
於菩提無有戲論以清淨聲令彼得
聞亦名聲聞又使得聞唯涅槃樂更
無餘樂聞如是聲亦名聲聞又使得
聞根力覺道禪定解脫諸三昧等念
屢正勤證於無餘如是之法今無數
衆皆悉得聞亦名聲聞是身苦空無
我而諸陰相皆不可得凡夫愚癡分
別此身妄起取著聞如是聲亦名聲
聞又得眼界虛偽不實乃至佛眼皆
同眼界不可思議能令衆生如實而
見於一切法無成就相名成就眼如
是法相使衆生聞名為聲聞如呼聲
響今衆生聞名為聲聞不應於聲而
妄取著無有聲相亦無所得聞如是
聲名為聲聞不應於香而取香相亦
無所得辟如有人夢中聞香實無有

香於無香中妄起香想但是顛倒自
生分別而取香相凡愚信受聞如是
聲名為聲聞舌入相空猶如肉段不
能知味亦如聚沫不可為喻過於喻
故非味非異分別味相實無所得如
是味界及不思議界平等無二離心
無念亦無思惟實無心想聞如是聲
名為聲聞已所知法皆令聞名為
聲聞若聞於身分別身相身相體性
本空非生非不生是名菩提令無量
眾得聞是聲名為聲聞心性無體實
無所有皆如幻化非生非滅能令眾
生皆患得聞名為聲聞佛告阿難聲
聞法施不可思議得證是道名不思
議以是不思議法施能生菩提何以
故種子相似生故無果為果非財施
所得從聞信解名為聲聞財施微小
法施為上如是法施不嫌於他亦無
施相不著是施譬如幻化無分別不
生願求不取施想無願求故阿難當
知如是施者成就菩提從聞信解名
為聲聞盡一切相離諸結使出過聲
聞一切僧上發大音聲演說佛法何

以故得具足聲出過一切諸音聲故
出是聲已令聞佛法知諸聲相非一
非異成就正信說法無二亦非不二
聞如是法名為聲聞今時世尊而說
偈言

無量眾生聞佛法不思議 菩薩廣大辯
是名為聲聞 聞已信菩提 無濁無戲論
令一切悉聞 是名為聲聞 聞於涅槃樂
是樂取第一 普令聞寂滅 是名為聲聞
諸力及覺道 念處與根等 速得於究竟
是名為聲聞 聞此身苦空 無有堅實相
貪恚癡所侵 是故分別身 亦聞於眼入
非實而見實 眾生多愚癡 凡夫盲無智
若得於佛眼 正見不思議 速得如是眼
無復諸愚癡 諸法無成就 一切眾生聞
以如是因緣 亦名為聲聞 一切諸法相
猶如響聲響 此中無聞者 亦無有說者
令無數眾聞 是名為聲聞 此中無所聞
無有染著者 譬如入夢中 雖聞多種香
無一成就者 如是知香體 遠離一切垢
亦無聞香者 菩薩之解脫 多顛倒眾生
聞舌猶肉段 不能得知味 肉段若知味
亦應知平等 分別如是相 貪味為最惡

此界難思議 是名知於味 決定知味已
菩薩無所著 今眾聞決定 是名為聲聞
觀身分別相 本性空無生 若知於真實
無生無能生 菩提如是相 亦無生能生
普令眾生聞 是名為聲聞 意亦如是知
體性無所有 空無體性故 能令一切聞
如物法無生 無滅亦無二 無相無所見
是名為聲聞 咸使聞其施 法施不思議
修行趣道場 成就於菩提 譬如種種子
各得相似果 修施不思議 證道亦復然
悲施諸財物 法施為最勝 捨心無貪嫉
是名菩提道 心常不取著 雖施無依怙
若能如是施 速證於菩提 能離一切相
悲捨諸結使 無有諸染著 是名為聲聞
其聲其微妙 於諸聲寂上 此聲令遠聞
佛法不思議 能令一切知 諸聲無所依
非一亦非異 是名為聲聞 欲令一切聞
諸佛之所說 隨所聞法音 皆發於菩提
聞諸福田中 佛福田取勝 隨佛所住處
親近救世尊 使聞三千界 安住於虛空
眾生亦復令 皆同涅槃相 所說四境界
分別為眾生 猶如虛空相 等於不思議
諸界如是相 亦無有能知 是中無生死

不退轉法輪經卷第三十八

無惱無涅槃 諸法無真實 衆生亦皆然
是名寂滅界 云何見生者 為元量衆生
晝夜常聞知 不著己名利 但為衆生說
當知是聲聞 欲令一切聞 實非聲聞法
但現為聲聞 世雄假名說 說法中寂上
是故知衆生 一切皆如相 是名為聲聞
無漏除結縛 解脫一切結 而為衆生說
顯不離諸縛 清淨無調戲 見已為人說
佛法皆亦然 不久當得見 如佛所說法
菩薩所修行 於法無滌者 是名為聲聞
無縛而清淨 亦使一切聞 如聞而修行
阿難汝當知 我以方便說 如是知聲聞
菩薩無所依

阿難當知是名如來等正覺為諸善
薩摩訶薩方便說名聲聞阿難言云
何如來等正覺復為諸善薩摩訶薩
說辟支佛法佛言阿難菩薩現見一
切法云何現見所謂知諸法無諍皆
是假名不壞法性而能見法證法是
名辟支佛佛不思議於一切法及諸
衆生同涅槃相等無差別無形無相
清淨寂滅實際衆生際涅槃際猶如
影幻無分齊無所有於此諸際亦無

不退轉法輪經卷第三十九

際相非言非說無所依止亦無所說
何以故如我空無生無滅知衆生際則
知法際生死際即是佛際知如是際
是名辟支佛現知於色色者則名色
陰色陰盡已但有言說無我我所何
以故如說色陰但有言說是空無生
無滅言無言相云何以言說說是色
陰亦現見受想行識乃至說是識陰
知假名識陰等但有言說言說皆空
無生無滅非實非虛言說尚無何況
陰相如是五陰從假名起是名辟支
佛何以故因於名字言說為色色但
假名無因非因說名為因是陰因緣
不可說相一切諸法無依無緣如是
覺知名辟支佛亦時世尊而說偈言
現見一切法 皆悉知無諍 不生亦不壞
無有濁亂相 現見一切法 本性皆空寂
體相如是者 則無有決定 現見究竟處
一切法亦然 是名為正智 緣覺不思議
衆生及涅槃 前際不可得 是際無有生
佛亦難思議 如衆生涅槃 無生無出處
若法無生相 是名為涅槃 衆生與涅槃
皆如水中影 有像無衆生 是名為涅槃

不退轉法輪經卷第四十

衆生與涅槃 一切假名說 無生亦無滅
但有假名字
如是言說相 知無有衆生 是義應當知
衆生即涅槃 一切言說空 無心亦無法
以言說非言 決定無知者 非言際無依
言說亦無住 如是言說相 衆生不思議
衆生及涅槃 實際非實際 出離得安隱
未趣寂滅宅 一切衆生際 猶如於影響
無因亦無緣 實際不思議 一切諸法本
但以假名說 是際無所有 不得名字相
實際無言說 亦無能知者 以空無實際
衆生不思議 實際無言說 言說無所成
真實相如如 衆生亦無際 言說相自空
非以言故知 如汝之所說 衆生其能思
如是實際相 非思議能知 是名正覺說
辟支難思議 現見於色陰 但有假名字
如是陰相性 常離於言說 無有真實相
乃名為出世 如是知諸陰 本性無住處
是色無所有 假名以為陰 但有空名字
不生亦不滅 言說及諸法 無有決定處
若無有言說 是名說色陰 現見於痛陰
想行亦如是 乃至識陰等 但有假言說
見陰不可說 離於一切相 本性無所有

不生亦不住 如所說真實 遠離一切法
如是知諸相 體性無住處 假名之所說
說陰等亦空 知言說空已 無生亦無滅
言說及諸法 無有決定處 若無有言說
是名為識陰 是陰離言說 不可得限量
無生無滅相 亦無所依處 解脫諸煩惱
非業非果報 非覺亦非陰 非言非涅槃
是想無決定 亦無有智慧 內外不可得
無懈怠精勤 無調戲羼惑 亦無有成就
不驚不怖畏 無有一切色 亦不見於空
無相亦復然 無有一異相 非縛亦非解
一切諸言音 是聲無所入 是名為律陀
非言所能及 究竟於現見 而說無盡法
得是三昧已 不著於言說 此智若現見
等說阿律陀 律陀同諸法 默然而演說
於此現見倒 不從他因緣 是名為正覺
緣覺不思議

不退轉法輪經卷第三

癸卯歲高麗國大藏都監奉
勅彫造

不退轉法輪經卷第三

世尊說安公序真經在法華經第二譯

木

重釋二乘相品第四

阿難如是菩薩摩訶薩現知明無明
知行無行知識知識相知名色知名
色相知六入知六入相知觸知觸相
知受知受相知受知受相知取知取
相知有知有相知生知生相知老死
知老死相修集現見名辟支佛今時
世尊而說偈言
現見無明 而無所知 亦無成就
如水中影 明亦不動 不著於法
若不著法 是名明相 無明如空
一切法相 到於現見 是名緣覺
若說諸行 非內非外 亦非從佛
而起於行 是行假名 決定非有
無生無滅 猶如虛空 到此現見
菩薩無畏 是名正覺 緣覺難思
知一切法 皆如幻化 明如幻已
是名現見 不如實知 是識行處
是想分別 知識法空 識智非智
一切不著 若知於法 識如幻想

名色因緣 皆有為相 無決定體
亦無成就 離於六入 說六入相
言說音聲 體性皆空 觸無因緣
從六入生 分別是觸 如幻皆空
是觸無體 從妄想生 觸無真實
亦無住處 現見於觸 知無觸相
成就默離 名辟支佛 若證於受
不堅如泡 性相皆空 究竟無實
斷於受結 得無受法 得盡諸欲
是名緣覺 分別於取 空無所有
如熱時炎 無有成就 無有作想
生想亦亦 知生體性 空寂無有
得離於老 亦不畏死 無所成就
不受後有 現見此法 無所依止
以緣覺聲 實修菩薩
阿難汝今當知是如來等正覺為諸
菩薩摩訶薩方便說辟支佛今時阿
難即從坐起整其衣服合掌向佛而
說偈言

涅槃非涅槃 救度於世間 猶如空中結
以空而自解 若能如是說 亦名有所說
世尊善方便 而說無著法
今時阿難說是偈已白佛言世尊一

不退轉法輪經卷第三 第三十

切世間愚癡所蔽而自欺誑不解如來作假名說信行法行八輩等法須陀洹斯陀舍阿那含阿羅漢聲聞緣覺今時佛告阿難汝於過去佛不忘假名殖諸善根以善解假名故不為愚闇之所劫奪何以故假名諸法如幻如水中影如熱時炎如呼聲響如是假名阿難汝今當知不為諸惡之所侵害具足莊嚴而自莊嚴能知諸法假名因緣無所忘失成就精進而亦不取精進之相無有忘失得取勝智亦不取智相今時世尊即說偈言愚癡諸眾生懈怠少智者則不知假名應當勤精進能解於假名如實知諸陰救度於世間今得真實智知假名空已便即菩提覺亦不得菩提是名說菩提假名即空相空不能知空空但有音聲離一切諍論顯示如是義於空無所取亦無可證處云何有得者是名為空空如是阿難當知空法甚深無量不生放逸亦無所失是名說辟支佛具足行地今時眾中有五百億比丘皆得信行從座而起在世尊前俱說偈言

不退轉法輪經卷第三 第三十一

離疑得正智救世無上主世尊說假名信行住菩提今時眾中復有五百億法行比丘聞說偈已從座而起整其衣服俱說偈言我等除疑惑菩提之照明如來說假法行住菩提今時眾中復有十億八輩比丘聞說偈已從座而起住於佛前俱說偈言我先離疑悔久修於八輩如來說假名八輩住菩提今時眾中復有十億須陀洹聞說偈已從座而起住於佛前俱說偈言我今蒙照明救世之聖主知佛所說法開示於假名今時眾中復有二百五十萬斯陀舍比丘聞說偈已從座而起住於佛前俱說偈言我先有取著而得斯陀舍今離諸妄想寂靜無戲論今時眾中復有十億阿那含聞說偈已從座而起住於佛前俱說偈言救世無上尊令我離戲論拔離果想已照明菩提道

不退轉法輪經卷第三 第三十二

今時眾中復有三十五億比丘皆住四禪得阿羅漢聞說偈已從座而起住於佛前俱說偈言我今得離垢自證於無餘諸乘入一乘如幻無決定今時眾中復有二萬比丘聞說偈已從座而起住於佛前俱說偈言我本著妄說世尊說假名自謂為聲聞住於假名法今時眾中復有五千比丘住辟支佛乘聞是偈已從座而起住於佛前俱說偈言我今得現見為緣覺菩提如來說假名緣覺不思議今時眾中復有百萬比丘尼取須陀洹斯陀舍阿那含阿羅漢果想聞說偈已從座而起住於佛前俱說偈言願於女身相皆入平等法世尊元異說照明為最上今時眾中復有八百萬億優婆塞優婆夷皆作須陀洹斯陀舍阿那含阿羅漢果想聞說偈已從座而起住於佛前而說偈言

我今心無垢淨如毗琉璃今始名出家得住於佛法

尔時虛空中有六十億那由他諸天以天曼陀羅華而散佛上於如來前俱說偈言

我先取乘想貪著於諸果我今悉捨離始覺菩提道

不退轉法輪經除想品第五

尔時眾中復有無量百千阿羅漢舍利弗大目犍連須菩提阿那律阿菟樓駄劫賓那憍梵波提而為上首從座而起整其衣服住世尊前曲躬恭敬白佛言世尊我今發真實願離於妄想摧伏眾魔具足五逆具足五欲具足邪見離於正見斷於無量眾生壽命者我今當今悉成菩提入無餘涅槃尔時世尊默然而住無量百千在會大眾皆生疑惑何故尔耶而今我等盡皆盲冥無所覺知諸阿羅漢尚作是說何況凡夫各坐一處而不動搖一切坐者不能得起若有立者亦不能坐皆言何故作如是說尔時阿難即為大眾百千萬億眾生故以佛

神力令自知心亦知他心問文殊師利言如是大眾百千億等聞諸羅漢作是說已皆生疑惑唯願文殊為我分別說其因緣尔時如來默然而住文殊師利告阿難言是不退轉地菩薩見諸大德因緣故作如是說阿難言文殊師利不退轉地是菩提耶文殊師利答言如是如是不退轉地是諸大德菩提阿難問言諸尊者何故作如是說尔時文殊師利語阿難言無明為母從行生愛究竟滅盡悉除怨害倒想為父離於顛倒除滅欲愛作阿羅漢堅固不壞盡凡夫想及以僧想壞是想故能修一切無壞法想乃至不取如來之想習學無生究竟永離尊者阿難諸大德作如是說我今云何具足五逆何以故無來去想是故名為具足五逆又阿難言何者為五欲是諸比丘知於五欲如夢如幻如水上泡如呼聲響如是智慧具足云何具足智慧不增不減云何五欲亦不增不減何以故如是五欲究竟無體無相如實知已即五欲相得

證智慧是故名為具足五欲以是義故諸大德作如是說我今具足五欲阿難何者是具足邪見離於正見於一切法而皆取著是名邪見邪見者是虛妄想一切諸法非依依非無依猶如虛空無歸無依何以故一切法無實可得應如是知一切法皆悉平等除其等想是名正見何以故如是等想即是惡想以是義故諸大德比丘不見等想亦不見惡想何以故盡一切想名佛菩提逮菩提已而亦不見少法可得阿難以是因緣大德比丘作如是說離於正見具足邪見阿難何以故是諸比丘言我今實斷百千眾生命諸大德出是語時百千萬億諸天聞如是說皆即得解諸法如夢如幻如水中影如呼聲響得如是解已便斷眾生命丈夫壽命及人等想亦即得解脫無有種於菩提善根一切諸法皆無起無作無所修習聞說假名深信無疑及優婆塞優婆夷等皆悉除斷眾生命丈夫壽命及人等想除是已便得不復數數受生何以故斷除

不生解法論經第三卷 第十一段 本
眾生丈夫壽命人及餓鬼想有是想

故數受生死離是想已即得究竟自
證無生以是因緣諸大德如是方便
善說假名言斷無量眾生之命是故
說言具足得佛菩提我今於無餘涅
槃而般涅得佛相好以是教化無
量百千萬億眾生滅諸結使如佛所
證何以故今諸眾生皆發阿耨多羅
三藐三菩提心得無生忍已今得菩
提亦不捨煩惱不近佛法從意生煩
惱盡滅無餘以是因緣諸大德皆言
我今得到菩提阿難是故今者名為
無生何以故如是善男子善女人發
阿耨多羅三藐三菩提心照明諸法
發菩提心已亦無所得離菩提相及
一切法相於無餘涅槃入般涅槃阿
難如是族姓男女乘菩薩乘不以見
日而生畫想凡夫愚人若見日時便
作日想則非智者何以故阿難若日
有體非虛妄者則可積聚以虛妄故
亦無過去未來夜亦如是若日作日
想夜作夜想則是凡愚妄想所見阿
難是菩薩乘修行阿耨多羅三藐三

不生解法論經第三卷 第十一段 本
菩提有善知識不應盡生畫想夜生

夜想何以故離一切想能住菩提如
來之道今時文殊師利而說偈言
無明以為母 從行之所生 若斷其根本
是名為除害 喜愛諸倒想 是說名為父
若能如實知 究竟無所有 知彼患虛妄
則斷諸根本 無緣亦無住 是說名除害
若說諸羅漢 凡夫不思議 如實不壞相
是滅名究竟 我本著僧想 如實知是已
諸法皆無壞 亦今一切聞 先取於如來
是名為虛妄 知彼無異想 平等同一空
拔斷其根本 是名無生智 若能如是說
顯現摧定力 若說具諸欲 如是五名字
能離如是想 猶如於幻夢 不增亦不減
是名具五欲 在於救世前 彼作如是說
知欲本性空 猶如夢化相 畢竟無有生
具足如實智 知諸邪見過 虛妄無取著
以此究竟智 一切皆具足 虛妄無取著
離於和合相 如是善知已 無相無所有
同智一切過 邪見正見等 速得真實法
邪正相俱滅 眾生生死想 愚癡妄分別
若不得眾生 則無有生死 眾生多方便
捨離於命想 速離是想已 知命相寂滅

不生解法論經第三卷 第十一段 本
若離眾生想 分別壽命等 斷多眾生命

是彼之所說 捨離於死想 愚癡所分別
究竟得無生 是名為實法 滅除諸結使
得證於無相 菩提無有色 無滅亦無果
魔怨不能障 自覺於菩提 諸法無諍論
無生性寂滅
今時文殊師利說是偈已如是無量
百千眾生除諸疑悔離疑悔已心生
歡喜得法照明各脫上服供養文殊
師利作如是言能令我等皆得此法
悲作是說亦令眾生心證諸法皆得
如彼文殊師利所解實相今時阿難
白佛言世尊云何如是百千萬億眾
生皆生疑悔何故如來不自為說今
斷疑悔於是佛告阿難言如是百千
萬億眾生皆從文殊師利發菩提心
於文殊師利而得調伏阿難復言皆
得阿耨多羅三藐三菩提耶佛言如
是阿難一切眾生皆不退轉於阿耨
多羅三藐三菩提何以故皆由文殊
師利善知識故阿難言如是等諸比
丘信行法行須陀洹斯陀舍阿那含
阿羅漢聲聞辟支佛想盡不退轉於阿

得多羅三藐三菩提耶佛言有難信者少智下劣者懈怠懶惰少精進者貪嗜飲食近於五欲樂憂憤鬧心不遠離忘失正念無智慧者心無正定常驚亂者增上慢者取著增上慢者貪著已身樂於壽命不觀無常多諸貪嫉愚癡無智毀破禁戒心生惱害分佛法中起於疑惑見無智者近惡知識遠離善知識亦不恭敬善知識不學般若波羅蜜不修陀羅尼諸經之王常起妄見著妄見已得於惡師貪樂衣鉢於和上阿闍梨無恭敬心亦不樂親近於初中後夜心生懈怠兩古難信好喜妄語惡口貪嫉親近邪見習邪見已常修邪觀不好學戒心無慚愧無所顧畏親近愚癡樂行外道不信空無相無願無生無滅於一切法不生信心阿難如是人等難可解悟

今時世尊默然而住是時阿難承佛神力問文殊師利言如來何故默然而住文殊師利答言於末法中後來世多有衆生在於彼世成就如是

心不信法不能解了是故如來默然而住阿難言復有衆生能信如是法不文殊師利答言亦有衆生少能信者阿難少有衆生能識於寶多有衆生不識是寶阿難少有衆生能生信解如是說法城邑聚落多有衆生棄捨不信何以故是彼衆生宿世因緣本作謗法罪業障故阿難言唯願文殊當今是諸衆生信解所說文殊師利言汝當問佛佛自為汝分別解說

今時阿難白佛言惟願世尊時為我說族姓男女少信解者彼得聞已生大歡喜今時世尊遍觀四方面門出舌普覆三千大千世界從其舌根出大光明遍照東方恒河沙等諸佛世界如是南西北方四維上下各於十方恒河沙世界今時四衆以佛神力亦見東方恒河沙世界諸佛同說此法亦皆遙聞不增不減如是次第十方世界亦復如是於是世界諸佛說法如此大衆皆悉見聞得見聞已亦皆一心勸請世尊惟願哀愍重為我等分別演說使見無量無邊不可稱

數諸佛所說不增不減不可思議諸佛正法唯願世尊時為說之還攝舌相佛告阿難頗有作妄語人能得如是舌相不耶阿難言不也世尊若有實語柔軟語諸有智者善能調順利益語慈悲喜捨如是等乃至一切智人得是舌相惟願世尊為族姓男女有少信者分別解說亦為憐愍不解者說當使此輩心生悔恨今時佛告阿難四衆已集正身端坐天龍夜叉乾闥婆阿修羅緊那羅迦樓羅摩睺羅伽人非人等諸來在坐能聽法者皆不退轉於阿耨多羅三藐三菩提心各於此地而說正法不增不減如今所說今時四衆及天龍夜叉乾闥婆阿修羅迦樓羅緊那羅摩睺羅伽人非人等心生歡喜皆脫上服以奉於佛或散華香或散華鬘或以金鬘或以銀鬘或以琉璃鬘或以頗梨鬘或以馬瑙鬘或以毗盧旃鬘或以曇摩羅花摩訶曇摩羅華曇摩沙華摩訶曇摩沙花或以所作之花而散佛上或以天優鉢羅華拘物頭華芬陀

不退轉法輪經卷第三 第五品水

利華以散佛上於虛空中天樂自鳴
龍雨真珠諸婦女等以身璚瑤各脫
上服以供養佛整其衣服右膝著地
合掌向佛皆共同音白佛言世尊如
來無二小時佛告阿難如是如是如
彼所說如來無二永盡愚癡如來世
尊無有慳惜無一切過已離過故離
於諸欲一切塵垢清淨無染憍慢貪
嫉患斷無餘智慧具足覺悟正法到
於彼岸猶如大梵得大自在威儀具
足究竟諸行得四具足天龍夜叉乾
闥婆阿修羅迦樓羅緊那羅摩睺羅
伽人非人等而不取著有為無為不
淨生死從佛世尊得正解脫得具足
見無聞失見具足親近阿難言云何
如來得具足見無聞失見具足聞佛
具足見佛具足親近佛告阿難汝不
知耶阿難言我實不知佛言汝今諦
聽當為汝說阿難言唯然世尊願為
解說阿難汝今聞我釋迦牟尼佛已
聞當聞如是等皆得不退於阿耨多
羅三藐三菩提何以故一切法身若
有所說其見聞者皆悉利益阿難若

不退轉法輪經卷第三 第六品水

以一華供養如來及般涅槃後為佛
舍利起塔供養亦得不退於阿耨多
羅三藐三菩提阿難乃至畜生得聞
佛名亦得阿耨多羅三藐三菩提耶
佛言阿難復有人聞釋迦牟尼佛音
聲稱其名号皆是阿耨多羅三藐三
菩提種子若善男子善女人聞釋迦
牟尼佛名号如其所說皆實不虛阿
難譬如尼拘陀樹若一若二若三若
四乃至五十百千無量等眾止息其
下皆蒙覆蔭阿難於汝意云何尼拘
陀子為大小耶阿難言尼拘陀樹子
為甚小佛告阿難如是尼拘陀樹以
水雨薰土人功因緣積其日月漸漸
長大阿難言如是世尊佛告阿難以
尼拘樹子本甚微小以水土日月因
緣故漸漸長大如是阿難得聞釋迦
牟尼佛名善根種子終不敗壞不退
於阿耨多羅三藐三菩提亦復如是
何以故無相種子於一切不住是故
不壞以不壞故如是種子不可毀壞
亦不取相是故於一切法不壞阿難
白佛言世尊為是如來本願之力為

不退轉法輪經卷第三 第七品水

是諸佛法應念耶佛即答言以本願
力故若有眾生聞我名者皆得不退
於阿耨多羅三藐三菩提一切諸佛
法亦如是何以故一切佛法皆平等
故阿難言一切佛法平等有何利益
佛言能令眾生雖不聞法以發願力
故亦使得同聞法利益今時阿難白
佛言世尊如來成就未曾有法故能
大利益諸菩薩摩訶薩等佛言如是
如是阿難我今雖為眾生作大利益
若聞法者無不得住利益福田我於
過去供養諸佛不惜身命一切皆捨
離諸貪嫉勤修精進諸根清淨於一
切法不取不著無所依止是故阿難
我成菩提能大利益一切眾生
不退轉法輪經降魔品第六
今時阿難白佛言世尊說是不退轉
法輪能令惡魔使不擾亂何以故佛
言是文殊師利神通之力能使波旬
不令得聞文殊師利發真實誓能令
惡魔聞空中聲釋迦牟尼佛轉不退
法輪今時波旬身毛皆豎心生驚怖
作如是言見此世界皆非世界憂愁

涕泣身變朽老如百歲人髮白面皺是時魔王形體膚髮亦皆俱老。今時魔王將四種兵魔及魔天皆詣佛所。亦如如來初成道時嚴治器械而來向佛。各見已身皆悉朽老如百歲人形體彎曲持杖而行。到於佛前時四種兵及虛空諸天皆聞釋迦牟尼佛轉不退法輪而此四兵皆不能進。即住一面心生驚疑。悉不能得隨魔王意。今時魔王獨至佛所。無有伴黨。而白佛言。世尊。我今衰老願賜手力。本所有國皆非我有。如來大悲憐愍一切。寧不與我一人以為手力。於是佛告波旬。我觀衆生界分甚多。譬如恒沙。無有量數。日日成佛得般涅槃。若一劫若過一劫。不能令彼衆生界減。今時魔王白佛言。世尊。衆生界分雖多。無量我無一人可為手力。或當傾危。誰見扶持。惟願如來慈哀慰喻。令得還宮。并諸眷屬。於是佛告波旬。顛倒衆生諸不信者皆屬於汝。是汝手力。是卿等侶。今時波旬甚大喜悅。作如是言。我今當令一切衆生不起信。

心皆生疑。惑墮疑惑者。悉是我力。今時波旬白佛言。唯願世尊重見慰喻。令我歡喜。如佛言曰。若得聞佛稱其名。皆得不退於阿耨多羅三藐三菩提。唯願如來默然莫作是說。若有聞者是諸衆生當勤精進。修於菩提。唯願世尊如是慰喻。今時佛告波旬。勿生愁惱歡喜而去。我今當令無一衆生發菩提心。亦無衆生而能動於衆生界者。乃至無一衆生於色動及受想行識動。乃至無一衆生於身見疑。戒取等動。亦無衆生於過去未來現在想動。無有衆生於盜淫妄語兩舌惡口綺語貪欲瞋恚邪見等動。乃至不見衆生於諸邪有而能動者。我亦不見衆生修行布施持戒忍辱精進禪定智慧。不見衆生於衆生想壽命想父母想兄弟想妻子男女想晝夜想一月想半月想歲數想劫想施想戒想忍辱想精進想禪定想智慧想力無畏想五根想七覺意想八正道想佛想法想僧想菩提想無尋想一切法不動想無有衆生於此諸

想而能動者。波旬勿生憂惱歡喜而去。今時波旬聞是語已。離諸憂惱。便大歡喜。即於此處還復壯年。并以天華而散佛上。遠佛三匝於世尊前而說偈言。我今心歡喜救世三佛。陀佛所說無異真實不虛妄。今時波旬說是偈已。歡喜而去。還於本宮。五欲自娛。更不復起擾亂之心。魔去不久。今時大地六種震動。阿難白佛言。世尊。今此大地以何目緣六種震動。非魔力耶。佛言。是我神力。為遣魔故。今此大地六種震動。今時有六十四百千衆生得無生法。忍是故大地六種震動。阿難白佛言。世尊。頗有衆生起疑惑不佛言復有十億衆生心生疑惑。我等今者無謬聞乎。各皆迷亂不識。四方從何而來。以癡冥故。悉不相見。今時阿難白佛言。唯願世尊當疾哀愍為彼衆生作大照明。令離疑惑。如來所說假名法相。若不可知。志墮地獄。阿難白佛言。世尊。如來何故令此魔王心得少惱歡喜而

不述轉法輪經第三卷 第五品 示

去都無一人住於菩提亦無衆生能動衆生界於色受想行識亦無能動乃至身見一切取相六十二見過去未來現在種種相動者亦無衆生於然盜姪妄語惡口兩舌綺語貪瞋恚邪見等動者何故如來作如是慰喻魔王波旬言無衆生修行布施持戒忍辱精進禪智乃至無衆生壽命父母兄弟妻子男女晝夜等想亦無一月半月歲數時節諸劫之想如來何故作如是說慰喻波旬少惱而去亦無衆生於菩提心想動於根力無畏想動根覺意道想動無佛想法想僧想菩提想無尋想動菩薩想動如來何故慰喻波旬少惱而去復言當使無一衆生同於法想世尊何故作如是說唯願如來為此等衆作大照明當使未來一切衆生得蒙照明得明明已當令此法次第相續使不斷壞若有衆生深心信解受持是法者當為是人演其因緣如來何故作如是說今時世尊即為無數百千衆生除諸疑惑重說偈言

不述轉法輪經第三卷 第五品 示

菩提住住處亦無能任者以是因緣故說無住菩提菩提及衆生非一亦非異以是因緣故說無住菩提衆生本不動其界亦復然法無成就究竟無所得衆生體相空其界難思議無有能動者惟一切智知如所說諸陰衆生無動相陰即是衆生無二無住相陰以空為體性相即不動若無相可取云何有動者是故知諸陰亦無有動相言說未寂滅無相亦無體身即是陰相陰即名行處非行處而行說陰名為空所說空界者不生亦不起如是同於陰是名不可動身見相無體亦無法可得不得故無動我今如是說不取衆生相究竟無所住亦無有心相形處不可得若說於諸見現示六十二如是衆生等亦如水中像諸見同水像六十二亦然無我無所有其性不可動過去及未來現在亦復尔無相無所有皆如炎水像名為無我不得衆生想衆生不可動亦無能動者譬如然生者處生死曠野亦住於寂滅是名為不動欲令衆生動衆生不可得實無有衆生是名說不動菩提無有漸

不述轉法輪經第三卷 第五品 示

亦無有能度是故當勤修不得於動者法施不思議度過去衆生應當勤修習是名不可動度脫於邪欲亦不得邪想應當勤修習是名不可動妄語諸衆生為今得解脫當發大精進如彼不動相惡口及兩舌綺語亦復然如是平等相如炎無所有諸法皆如是亦無依止處猶如呼聲響善知寂滅相過去諸無明著我故生憂若證於無我是名為不動能知煩惱害體性本無相無相即菩提是名為不動深證諸邪見得修於正智離邪見繫縛是名為不動若心得無欲現受寶女抱乃至諸童女智者所遠離以邪相持戒而不捨正法智者無心意惟求於聖道是名修法忍顯示於外道無心而行忍亦不近涅槃外道自顯異五熱為精進非智所修學苦行非菩提外道所說定取相為行處非佛所讚歎亦不令他學菩薩無所畏能攝諸衆生以是因緣說取相所不動非取著所攝能生菩提心菩提不取相是故不能動父母兄弟等姊妹及妻子譬如於幻化是故不能動一切取相法皆患無所有

若住無所有是故不能動若有晝夜想一月及半月如是一切想如炎水中像布施及持戒修忍辱精進皆起於取著是相則為動菩薩大勢力禪定修智慧若有無畏想一切想非想覺意及正道本有著提想愚癡之所起智者則遠離佛及眾法想乃至有僧想如是種種想皆說為動想著提名無想種智即著提遠離如是想著提難思議是故作是說來者如水像若動彼想已則不遠著提著提與眾生一切法如如故我如是說不知惡魔心

佛次第說遣魔偈已十億眾生斷除疑惑得法照明於一切法得無生忍得是忍已十億眾生住於佛前而說偈言

佛道難思議取勝之第一故号为世尊除疑蒙安慰一切皆照明安住於佛道神光遍十方見無數億佛見佛得聞法色相莊嚴身除穢得淨智救世能度者於億福田中佛福田取勝隨佛所住處無上救世尊

今時十億眾生聞說偈已皆以盛服

供養於佛及供養法作如是言當令一切眾生念聞是法皆共來集今時阿難白佛言世尊轉是遣魔法輪諸族姓男女得聞是已皆念解脫信受無疑得幾所福佛言阿難若族姓男女日初出時親近供養恭敬尊重讚歎百佛於中時親近供養百佛乃至晡時供養百佛於初夜時供養百佛於中夜時供養百佛於後夜時供養百佛以眾妙樂具取上衣服於二萬歲供養於佛日常六時尊重讚歎行住生財修行供養初不暫息阿難於汝意云何得福多不阿難言得福甚多不可以譬喻知其限數佛言阿難若族姓男女得聞如是遣魔章句其義次第聞已復能信解不生疑惑是人功德倍多於彼

不退轉法輪經卷第三

癸卯歲高麗國大藏都監奉勅彫造

天記品第七

佛告善男子復有三菩薩摩訶薩從東方來住大乘道持勇施羅華百千萬葉如日初出阿難見已一切眾會亦皆同見生未曾有想今時阿難白佛言世尊是三族姓子從何處來佛言從東方過恒河沙須彌蓮華世界有佛名雲上切德如來今現在彼此中有三善男子初聞法時於彼國來今時三菩薩住世尊前以勇施蓮華散於佛上散已作如是言我於此法深信信解無有疑惑何以故如來世尊已於此法得無疑滯是故我今亦無疑滯今時是三菩薩其第一者白佛言世尊若有人說如來我即如來於此法中都無疑惑第二菩薩復白佛言世尊若有人稱說世尊我即世尊亦於此法志無疑惑第三菩薩白佛言世尊若有人稱說阿羅訶三藐三佛隨我即阿羅訶三藐三佛隨亦

於此法患無疑惑不遠佛法論卷第四今時大衆無量百千億衆生患皆戰動心不喜樂我從昔來初不聞說於一世界而有二佛云何今者是三大士各稱為佛於世尊前手相指言唯佛如來天人中尊於一切法皆得自在明達三世患無罣碍是三菩薩何故今日俱作是說今時阿難自佛言世尊是三菩薩名字何等能於佛前作師子吼佛時答言其第一者名樂欲如來聲正住第二者名樂欲世尊聲正住第三者名樂欲佛聲正住阿難以是目緣故此三大士作如是說阿難自佛言世尊如是百千萬億衆生心皆驚駭以此事故是諸菩薩更作是說復有聞者心不驚疑增長淨善辭如年少好自嚴飭形體淨潔加復洗浴香油塗身以赤栴檀香汁灑體復倍香潔其身光澤若聞此法信受不疑亦復如是阿難自佛言世尊云何菩薩作如是說佛言此三菩薩善解假名故作如是說阿難言如是如是此菩薩等善說假名惟願世尊重為我說亦令大衆

蒙法照明不遠佛法論卷第四今時世尊便為如是百千萬億衆生解其疑悔決定善根即於今時而說偈言

若能見過去 未來亦復然 如實知諸法 是名為如來 現在亦如是 未來亦同等 非一亦非異 究竟寂滅相 譬如過去佛 行施不思議 彼施亦如是 是故說假名 譬如過去佛 住無罣碍 彼住亦復尔 是名為如來 一切法不住 菩提亦寂滅 不得菩提相 是名為如來 若說過去戒 未來亦如是 現在皆同等 是名為如來 過去世行忍 菩薩截手足 彼忍亦如是 是名住於忍 若發大精進 本求於菩提 得是精進已 是名為如來 一切法平等 復彼如實證 亦不取我相 是名為如來 不取於諸法 一切悉平等 知彼平等已 無相無所有 如是等三昧 不取諸法相 安住於禪定 是名為如來 一切法性相 及所說諸法 知其性相已 如實無所有 當知諸法空 智慧非福田 知彼非智已 得到智彼岸 若到於彼岸 智慧深思議 而不得此智 到寂滅彼岸 如相非到智 無有此彼岸 不得如是智 是名為如來

菩提非如得 凡愚所不思 一切法無罣碍 是名為如來 若得於無罣碍 而到大智處 一切法無利 證無罣碍 如本所修道 救世者濟度 得彼無依道 能知於體相 如是修習已 獲於寂滅道 調伏此道已 知一切皆空 知其初中後 皆與諸法同 此法平等已 是名為如來 道若如菩提 是名住菩提 猶如虛空相 是名為如來 如是說法已 如志平等相 若於此無疑 是名住菩提 阿難知假名 言說為如來 言說亦如是 智者所行處 菩薩無所畏 明智不退轉 一切所行處 作如是顯說 阿難是次第 如來之所說 為諸菩薩等 今得於無罣碍 今時阿難作如是言而說偈曰 以何目緣故 能知諸法相 是菩薩光尊 亦名為世尊 世尊答曰 於百千萬億 無量無數劫 今乃成菩提 佛道難思議 成就菩提已 為衆生住世 處處實无上 是名為世尊 久超輪迴趣 不受於生死 救度衆生故 是名為世尊 不處輪迴趣 亦不入生死 云何拔衆苦

号世無上尊 不念於諸法 亦不懷危脆
不得衆生相 能度諸苦惱 無生死輪轉
亦不住生死 今衆如是住 是名為世尊
得諸法無畏 於佛亦復然 無邊無有際
說法若千種 諸法究竟空 佛法之體性
如是成就已 而不見諸法 若能專修行
空空之體性 心得於無畏 是名知空法
如實知諸法 一切皆妄想 顯現無所畏
如是實法相 已過怖畏處 亦離於淨居
無恐亦無畏 超度諸惡道 勉濟億衆生
生死之大畏 不得於生死 而能度衆生
安置於衆生 寂滅涅槃岸 亦無衆生相
是名為世尊 諸法猶虛空 顯示現衆生
於彼亦無畏 是名為世尊 一切法平等
顯現若千種 菩提無分別 不得菩提相
衆生如是學 得成於菩提 如說如修行
則無恐怖想 分別菩提想 猶如衆生想
超過一切想 是名為世尊 滅除一切想
菩薩則無垢 不得名字相 是名為世尊
能知一切法 同於盡滅離 過去不可得
是名為世尊 不重名字故 是以不求名
離者名字者 而為廣說法 菩提離名字
如彼之所住 衆生重名字 遠離於菩提

名如呼聲響 分別則多種 聲亦無分別
而特空名稱 不著一切聲 名亦無所依
菩提無戲論 是名為世尊 如是等諸法
世尊之所說 非菩薩所得 是名為世尊
若解於修道 無有能知者 安住於菩提
除号名無漏 阿難是假名 但以言語說
是以我今稱 自号為世尊
阿難復說偈言

以何因緣故 菩薩作是說 復以何因緣
自号稱為佛
佛答言

阿難是佛子 一切法無身 覺悟元尊法
自号稱為佛 佛知煩惱過 不使得自在
已離於結使 自号稱為佛 但以空為佛
亦無有身相 此中無真實 云何身可得
不堅生堅想 凡愚計為身 如實覺悟已
自号稱為佛 學慧寂無智 體性無所有
明智之所得 自号稱為佛 本有過去想
覺已得無想 知想及無想 不令想自在
覺了於色陰 本自無生住 凡愚妄分別
非色非成就 覺知無根本 本永無有性
是故無所受 一切法無依 想如熱時炎
因緣無所有 是故滅除想 一切法亦然

不得是身行 身相不堅固 若知身行空
是故不著身 是身及行相 皆悉如芭蕉
如是覺真實 自号稱為佛 求識真實相
不在於身內 亦復不在外 云何有生處
是識若無生 一切法亦然 悉無其處所
有為不可得 如是知識已 畢竟無所有
體性猶如幻 亦無有生者 若不能見識
衆生亦復然 實無有衆生 云何能知識
是識無有實 諸法畢竟空 法及於衆生
一切無成就 一切法無相 彼已決定覺
寂滅無戲論 自号稱為佛 證知於佛法
正覺之所住 一切法皆無 自号稱為佛
如未猶菩提 正覺之所住 佛及菩提相
空竟不可得 若生於心處 亦如住菩提
心同菩提已 佛猶如幻化 阿難是假名
但以言語說 以如名為佛 我是救世者
如是相似生 同佛音聲說 若得此法音
安住於菩提 不著於菩提 當作如是知
不應起疑意 一切法無求 於諸法無疑
衆生中取上 如是相似法 當知真實相
作如是說 如來世尊佛等三号於是
百千億數衆生 自佛言世尊我等實
蒙光明得除疑悔 菩薩摩訶薩能作

不退轉法輪經第四卷 第八經

如是種種假名說為如來世尊及佛
我今如是知已如是解已於一切法
逮得忍力如來世尊作大利益猶如
父母以佛神力及智慧手挽出我等
今不迷亂而無所擾猶如一切不動
世尊譬如虛空無能動者如是世尊
於一切法心得不動亦復如是何以
故一切諸法皆同虛空如佛覺了無
有動相今時百千億大衆遠佛三匝
去佛不遠却坐一面說是如來世尊
佛名品時常照淨根菩薩從坐而起
更整衣服偏袒右肩右膝著地持種
種華散於佛上各以偈頌讚歎世尊
衆生貪著果 志令得解脫 成就離果想
故我礼智者 能說於諸果 今知平等想
正覺證平等 歸命礼寂上 衆生多貪著
行處種種果 佛以解脫故 我今礼智者
顯現於諸法 安住平等處 得覺平等已
敬礼牟尼尊 衆生多繫縛 種種諸果報
佛悉令解脫 歸命礼寂上 成就寂滅道
不住種種果 善知假名相 頂礼世智者
今時照明淨根菩薩摩訶薩說是偈
已遠佛三匝去佛不遠瞻仰尊顏目

不退轉法輪經第四卷 第九經

不整洽是時蓮華勝藏菩薩摩訶薩
從坐而起整其衣服偏袒右肩右膝
著地以種種華而散佛上復以偈頌
讚歎於佛

衆生多取想 能令志除滅 離畏得歡喜
敬礼牟尼尊 寂滅離諸有 無畏而說法
是名世雄猛 敬礼牟尼尊 知有本空寂
其體不可得 諸有中寂妙 敬礼牟尼尊
永離於三有 滅除諸結使 離畏得無畏
敬礼牟尼尊 無畏亦無懼 施中得寂上
出過一切施 敬礼牟尼尊 離畏得無畏
拔除憂毒箭 解脫於諸法 敬礼牟尼尊
今時蓮華功德藏菩薩說是偈讚
世尊已而白佛言若有衆生於後末
世得聞是經心不驚畏我當礼敬今
時離垢意菩薩於世尊前復說偈言
常應散衆花 智者所修行 得聞是經已
當令得解脫
今時離垢意菩薩摩訶薩於世尊前
復說偈曰
佛法甚深廣 顯說如是經 當有少衆生
信受不疑惑 貪著於我見 於身取身想
不信於此經 是名無智者

不退轉法輪經第四卷 第十經

今時蓮華眼菩薩摩訶薩於世尊前
復說偈言

實為諸衆生 開示眼目導 如是之經法
唯善者不疑

今時不思議解脫菩薩摩訶薩於世
尊前復說偈言

世号人中尊 衆生不思議 說如是等經
聞則無疑悔

今時常憶念菩薩摩訶薩於世尊前
復說偈言

若不憶念者 數數生死中 不善於諸法
修行則無疑

今時寶衣解脫菩薩摩訶薩於世尊
前復說偈言

多衣滿一億 淨潔而細緻 初摩而纏覆
修行則無疑

今時施食菩薩摩訶薩於世尊前復
說偈言

所設衆飲食 具足諸餽饍 日日應常施
修行無有疑

今時悲行菩薩摩訶薩於世尊前復
說偈言

應悲諸衆生 數數而號失 此經甚深妙

厭惡不修學 若從地獄來 則樂處地獄
雖似修功德 須更尋生疑 親近惡知識
不信甚深法 愚癡網自蔽 如是生疑惑
諸有破戒者 惡心見其過 聞經不信受
誹謗於此行 懈怠少精進 不住於菩提
無智心下劣 不解如是行 衆生多樂者
我見心自在 常處於三界 無能修行者
愚癡起惡心 無智添諸欲 樂處於情內
作是誹謗行 愚癡少智人 饕餮嗜飲食
不修清淨法 故作誹謗行 衆生多貪者
偏執取妄想 不識於假名 唯救世能度
今時能遠離解脫菩薩摩訶薩於世
尊前而說偈言

遠離諸衆生 如棄於糞穢 虛偽猶泥錢
解脫者果想 譬如壞死屍 其惡甚可厭
若謗如是行 應疾速遠離 如賊劫村落
處於曠嶮路 聞者悉遠避 願其值是惡
若見壞爛者 厭惡如賊害 有誹謗此經
如是惡莫見
今時阿難白佛言世尊如是菩薩摩
訶薩甚為希有其意明了為是自定
力耶為是佛神力乎佛言皆是衆佛
神力能作是說亦是此經功德威力

速得無量何以故如是族姓子以於
六十億佛所從於佛口常聞此法不
增不減亦如從我得聞不異是故億
念過去一切諸禪定力及佛神力阿
難言如是如是信如所說此諸菩薩
現可證知

不退轉法輪經現見品第八

今時阿難白佛言世尊若聞是法次
第信解不生疑惑如是族姓男女得
成就幾所福佛告阿難若族姓男女
住阿耨多羅三藐三菩提復以閻浮
提滿中七寶供養者是人功德不如
得聞此經次第句義信解不疑其福
甚多置閻浮提滿中七寶供養諸佛
假設恒河沙世界滿中珍寶供養諸
佛復有善男子善女人得聞是經次
第句義信解不疑心亦不悔是人功
德復倍於彼今時世尊而說偈言
假使三千界 滿中諸珍寶 供養於如來
救度於世間 若佛說此經 有能諦聽者
智慧得解脫 其福倍過彼 譬如恒河沙
於此諸世界 七寶悉充滿 盡施一切智
於佛之所說 信受是經典 是為解脫智

其福亦倍彼

今時阿難白佛言世尊若有族姓男
女信解是經受持讀誦復為人說得
幾所福佛告阿難如是族姓男女住
無上道於百劫中修行布施供養如
來遠離此經百劫持戒百劫忍辱精
進禪定智慧復於百劫得五神通修
世間智具足戒身若有遠離此經典
者是則不名尊重供養於諸如來若
有善男子善女人信解是經受持讀
誦復為他說其所得福倍多於上今
時世尊而說偈言

假使滿百劫 一切諸餽餼 供養救世者
不名尊重供 若欲供養者 當受持是經
捨除福報想 修行法供養 如是供養者
是名真供養 以法為供養 如來法身故
假使滿百劫 以衣服供養 救世之世尊
多諸衣服施 不名為供養 有能持經者
是名真供養 最上之第一 假使滿百劫
常散諸天華 奉上諸世尊 不名為供養
若作第一供 救世能度者 應受持此經
能除果報相 若造七寶塔 為救世建立
一切如須弥 不名供養佛 此為最大供

◇高麗大藏經◇

不退轉法輪經卷第四

眾供養上能持此經者不見我身相
假使滿百劫修持於禁戒而不持此經
不名為最勝聽經而持戒於戒為最上
亦於持經中而無持經想不名為犯戒
亦不為破戒能學此經者如我之所說
若能學此經亦善學善提雖同學善提
而實無所學能如是持戒此經所顯示
於戒得具足是名持戒者假設滿百劫
有人修忍辱過罵不還報一切皆能忍
乃至截手足而不起異想亦不生怨嫌
一切無所念能行是忍者是忍第一
雖修如忍忍而心不為勝是忍第一
亦名為善修若復聞此經信解而受持
是名寂勝忍第一無有上若於此經中
聞已能信解欲求於無尋無上佛智者
當受持此經則能速具得假使滿百劫
精進常不坐經行已過時除去於睡眠
智者修是經應為人演說則得無所畏
是名勝精進假設滿百劫而得五神通
若不聞此經不名勝神通若能持此經
是名勝神通神通中寂上知義而著
假設滿百劫常作明智人成就世間智
決了於世間若不學此經不名為智者

不退轉法輪經卷第四

若能持此經乃名為勇健若能如是知
是名為智者受持此經典聞則能信解
顯示於此經智者所行處若能持此經
應加勤精進

爾時阿難復說偈言

行滿百由旬或至千由旬當詣於智者
有是經法處常應到彼所為聽是經故
聽已而信解其心恒隨順假滿世界大
百千億由旬若有此經處智者宜疾聽
若求聖禪定諸禪中寂上當說如是經
為滅諸結使若有欲捨去樂著於世間
為顯示此經如佛之所說若欲見諸佛
阿闍為寂上於諸受持中此經為第一
欲得一切樂修諸菩薩行應當說此經
速到安樂處欲見三佛陀安養難思議
應為演此經如佛之所說
爾時佛告阿難善哉善哉說是經時
族姓男女若得聞者心不散亂讀誦
此經遠離一切諸親近處亦志滅除
一切想識若欲見佛即便得見臨壽
終時則能面見百千諸佛何以故如
是族姓子等為一切諸佛之所護念
說是經已復能受持讀誦信解亦為

不退轉法輪經卷第四

他人分別演說

不轉法輪經安養國品第九

爾時比丘比丘尼優婆塞優婆夷四
眾之中時有童女名曰師子與五百
童女俱白佛言世尊若有女人讀誦
此經復能為他分別解說得幾所福
佛告師子童女若有女人住阿耨多
羅三藐三菩提受持讀誦如是經典
為人能說當知此等是取後女身更
不復受何以故已能受持讀誦此經
為他說故而心無亂一切結使皆得
除滅若是女人應起結使亦令不起
師子白佛言世尊云何是女人相能
生煩惱佛言師子若有女人見他端
正女人及諸瓔珞摩尼等寶而自莊
嚴受於快樂見是事已便生染著不
解觀察譬如畫瓶但飭其外凡愚臭
穢亦復如是不淨所熏屎尿充滿不
知觀察如是等相便生樂著而起染
心以是因緣常受女身復告師子言
一切女人多生嫉妬欺誑妄語心口
俱異或對面語為七句故往至比丘
所而不為法生瞋恚心及睡調心但

為憤內親近俗事而於此經作不利
益不肯聽受不說不誦晝夜常起諸
煩惱心遠離解脫有如是等心故受
女身不得遠離是故師子一切女人
皆應應作如是觀察我當云何斷諸
結使不令復有如是女人無利益事
當聽是經受持讀誦亦為他說何以
故得聞是經分別次第必能離於一
切結使時師子言若有女人讀誦此
經為他解說求捨女身當可得不得
佛言師子若有女人受持讀誦此經
典者是最後女身更不復受除其方
便神通變化現受女者師子辟如有
人然大火聚而自投之既投火已復
作是言莫燒我身亦使我身莫作異
色師子於汝意云何是人雖作此語
得如所言不師子答言不也世尊何
以故是大火聚性能燒物滅除身色
佛言師子此經亦復如是能燒一切
結使行新若欲捨女身相即得離欲
成就佛法欲見無量無數阿僧祇諸
佛得無尋辯欲發慈心一切眾生者
亦當受持讀誦書寫此經是時師子

及五百童女白佛言世尊我從定光
佛所得聞是經受持讀誦我今復為
無量眾生重說顯示今時阿難白佛
言世尊今此師子及五百童女何故
不轉女身佛告阿難汝今謂是師子
及五百童女是實女耶阿難言如是
世尊佛者阿難莫作是語何以故如
此師子及五百童女皆示現為女身
非真實也何以故但為未來眾生示
現變化憐愍一切諸女人故現為女
像厭離女身何以故若作男形則不
能入一切處故阿難此師子等亦非
男非女何以故一切諸法皆非男非
女出過一切法無相可得是真照明
阿難是師子等隨順世法故受女身
為化諸女隨已修學今時有五百比
丘尼從坐而起頭面礼足白佛言世
尊我等從今以往當受持讀誦書寫
此經為他解說何以故我等受此女
身無所利益宜速厭離自從今日若
未解者當令得解若未聞者當令得
聞初中後夜除其睡眠繫念思惟佛
言諸比丘尼善哉善哉汝等發大志

嚴以自在嚴興大精進勇猛第一皆
志厭離樂捨女身為欲利益一切佛
法受持此經書寫讀誦為他演說汝
等皆是最後受於女身諸比丘尼聞
是語已踊躍歡喜皆脫上服以供養
佛作是施已而說偈言
我等蒙安慰為得男子身如來無二言
人中最上說
今時四部眾中有五百長者夫人從
坐而起整其衣服右膝著地長跪叉
手白佛言世尊我等亦從今日受持
讀誦書寫解說但是女身為他所制
不得自在懷妊十月云何當得免斯
苦耶何以故若處深宮為王拘攝或
為父母兒習禁制從今以往當勤精
進專行修習乃至終身受持正法於
是世尊讚歎五百長者夫人善哉善
我如汝所說汝等從今永捨女身不
復繼續承事他人亦無懷妊十月等
世離於姪欲及諸胞胎世世常生淨
佛國土今時阿難白佛言世尊如是
諸師得離女身生何淨土佛言此諸
師等當生寶藏蓮花光世界阿難白

◇高麗大藏經◇

佛言世尊如彼世界佛号何等佛言
於彼世界有佛号一切寶如意王光
明如來至真等正覺今現在彼為諸
衆生種種說法如是族姓女等悉生
彼國於彼佛所得聞此經今時長者
夫人聞佛說已歡喜踊躍即解瓔珞
價直百千以奉散佛如是供養供養
已即說偈言

我等蒙安慰捨離於女身如來無二言
所說皆真實女身為最惡當願速捨離
凡愚之所迷不知真實相胎生女取惡
願更不復受得離女胎已菩提為無上
今時諸長者夫人瞻仰如來目不暫
捨釋提桓因以天曼陀羅華散於佛
上我等亦當受持此經佛言憍尸迹
汝若與阿修羅戰時常使得勝不令
退散今時文殊師利法王子與百千
億衆生皆悉發於善根因緣文殊師
利白佛言世尊如來未發菩提心時
我已轉此不退法輪佛言文殊師利
十方無量億諸菩薩等皆大勝光
明猶如日輪如是大地亦皆六返震
動諸天雨華蓋沒於膝今時阿難白

佛言世尊以何目緣大地六返振動
諸天雨華佛言是無量百千億天聞
文殊師利所說心生歡喜故雨此華
而作是言我等皆當受持書寫讀誦
此經亦願當得如文殊師利說如是
法得聞經已心生歡喜大地一切普
皆振動諸天雨華今時阿難白佛言
世尊是經能成諸大功德是經甚深
寂為希有若有衆生得聞是經一經
耳者當知是人不少功德未佛言
如是阿難當知是族姓男女皆已供
養過去諸佛是故今於此會得聞是
經心生信解乃能受持讀誦解脫有
此經處即是一切天人中塔利益無
量其福不虛若是經卷所住之處及
能受持乃至書寫者皆應供養如世
尊想聞是經者命終皆得不墮惡道
降伏衆魔建立法幢常然法炬照諸
幽冥能吹法盞到菩提樹擊大法鼓
開闡法門雨大法雨有求法者皆悉
滿足顯示法界盡開過去諸佛伏藏
知一切法除色受想行識想遠離眼
耳鼻舌身意心想離一切法想乃至佛

想若聞是經信解受持讀誦之者是
真佛子皆從法生阿難若有善男子
等若欲食法味坐於道場菩提樹下
如我不異皆當受持讀誦此經為他
人說乃至手持經卷恭敬供養阿難
白佛言世尊於末劫中當有人能受
持讀誦手持此經恭敬供養不佛言
若今聞經明信解了於將來世亦能
受持讀誦為他解說手持此經禮拜
供養若有沙門婆羅門天人及阿修
羅今聞此經於未來世更不聞者無
有是處何以故以今聞法因緣力故
若於後世亦得聞法必能信解譬如
長者多諸男女其家大富財寶无量
金銀琉璃珊瑚琥珀車乘馬寶真珠
珂貝奴嬖僮僕為馬車乘有如是等
一切財寶置之於後遊行他方還至
本處得此寶不阿難言得何以故此
諸財寶本屬已故佛言阿難如是法
寶今得聞者即是已法後還復聞我
今亦以佛眼見現在世受持讀誦此
經典者後則還得如今無異若未來
世有諸衆生受持此經者皆以佛眼

觀察如今所見等無有異若有誹謗此經典者我以佛眼明見此人亦如今日阿難白佛言世尊若人不信不解誹謗是經當趣何所佛言止止阿難莫作是問阿難白佛言世尊唯願說之當使未來衆生有不信者聞斯果報則便恐怖令生信解佛言若是誹謗不信果報所受苦痛與五逆業其罪同等若以利刀煞害衆生滿三千大千世界於意云何是人罪報當趣何所阿難言是人業報當趣惡道佛言阿難汝今應當作如是知若恒河沙諸佛入涅槃後為供養舍利造作塔廟有人惡心焚燒毀壞於意云何是人當得幾所罪報阿難言如是人等受報甚苦則不可說亦不可聞若誹謗此經說其過惡所得罪報亦復如是不可得聞何以故是人毀壞過去未來現在諸佛一切法眼故佛言若見有人受持讀誦此經典者而起誹謗輕笑毀訾教他不信令使是人不得讀誦如法受持當知是人其罪甚重復多於彼阿難言若滿三千

大千世界衆生具足十善住菩提道若有壞如是等人眼者得幾所罪佛言是人當於無量阿僧祇劫所受諸身則常生盲於地獄中受苦無間常挑其目佛言若有一人於此經中生誹謗心不信者我說是人罪亦如彼阿難言若有菩薩住於菩提信解此經受持不疑當趣何所佛言是名隨順供養諸佛等無有異阿難言若復有人不信是經而自誹謗亦教他人令生誹謗如此人者當受何身受何等苦佛言止止阿難莫作是問阿難言惟願世尊時為解說今此四衆若有疑惑生不信者聞佛說已當自悔過得生信心佛言若復有人不信是經向他誹謗當得十千由旬身受如是大形獲無量苦阿難言是人不慎舌故復有何相佛言此人罪報其舌縱廣一千由旬以五百億大熱鐵犁而耕其舌復以五百億大熱鐵丸雨其上何以故不慎惡業誹謗過故受如是苦今時四衆聞是語已身毛皆豎悲泣盈目自投於地皆共

聲唱如是言世尊若族姓男女如是誹謗當獲斯罪是故我今代其懺悔使滅衆罪不受如是大惡果報今於佛前及餘十方無量佛前我等愚冥不自知過唯有佛眼實見實證皆悉懺悔自今以後不敢重作猶如嬰兒無所識知不能曉了分別善根我今至誠深自各責惟願世尊當垂憐愍受我懺悔佛言善哉善哉是時四衆各言我今誠心自歸所有諸罪悉皆懺悔不敢覆藏佛言汝等如是至心懺悔一切善法無不增長今時阿難白佛言世尊今此衆中有生疑者惡業罪障亦如是耶佛時答言於此衆中若生疑者可即懺悔所有餘罪受報輕微阿難言云何受罪輕微佛言是人臨命終時諸毛孔中皆悉受苦喻如泥犁等無有異何以故能信如來所說言教及信無量阿僧祇佛亦自悔過阿難是族姓男女則不捨過去未來現在一切佛眼若彼欲見無量阿僧祇佛及見無量金剛葉蓮華光明遍照殊勝妙相今時釋提桓因

◇高麗大藏經◇

不退轉法輪經第四卷 第三十

四

現長者身以種種華散諸四眾唱如是言當以此華供養於佛乃至供養如是經典今時四眾即取諸華以散佛上變成華蓋而白佛言世尊以何因緣現是瑞相今於佛前有是蓮華及無量恒河沙一切佛前亦復皆有如是等華佛言為說是經功德威力故現此瑞如是相者當知皆是神力所持今時阿難白佛言世尊佛威神力乃至如是護持法耶佛言阿難實我神力護持是法乃至恒河沙諸佛亦皆護持今時阿難白佛言世尊此經當何名斯經云何受持佛言是經名為無著果無有種種諸雜惡報如是受持信行法行八輩須陀洹斯陀含阿那含阿羅漢辟支佛解是假名無有真實如是受持名為捨魔如是受持亦名六波羅蜜如是受持何以故阿難若有如是信解受持讀誦書寫此經為他人說當知是善男子善女人即是具足六波羅蜜阿難言云何受持讀誦書寫此經為他人說即得具足六波羅蜜佛言若善男子善

不退轉法輪經第四卷 第三十一

五

女人等有能信解此經典者即具足檀波羅蜜於此法中心不犯戒是名具足尸波羅蜜若讀是經心不退是名具足羼提波羅蜜能於此經心不退沒是名具足毗離耶波羅蜜信樂此經心不散亂是名具足禪波羅蜜諦了此經無分別相是名具足般若波羅蜜是故此經典六波羅蜜相應亦名一切諸佛所說不退法輪廣博嚴淨阿難言是經名字不可得聞何況得見初中後善具足受持佛言如是如是實如汝說阿難言得聞此經是人生死餘幾所耶佛言若人得聞不退法輪廣博嚴淨方等經名此人生死餘則千劫阿難言若聞此經名字信解能受發菩提心是人功德當住何地佛言若有得聞是經名者則受阿耨多羅三藐三菩提記得不退轉地今時四眾前皆有蓮華座若干種色復有百千萬億種葉時諸四眾踊躍歡喜各取此華以奉散佛而作是言我等皆當為人廣說如是經典分別顯示使不

不退轉法輪經第四卷 第三十二

六

斷絕今時世尊熙怡微笑作天伎樂香風時來其氣芬馥多有諸天於虛空中亦作無量種種天樂雨諸天香細末栴檀沉水膠香閻浮檀金末及諸銀末摩尼寶網羅覆其上及五種色曼陀羅華摩訶曼陀羅華曼殊沙華摩訶曼殊沙華迦迦羅華摩訶迦迦羅華一切優鉢羅華華拘物頭華芬陀利華及香瓔珞塗香末香一切諸天所有供養遍滿虛空地上人民亦整衣服散花供養復有諸餘眾生皆以臂膊寶環手釧解頸諸璫無量寶冠以奉上佛復有諸餘眾生以其金銀散於佛上復有諸餘眾生心皆歡喜出大音聲唱言善哉善哉及諸為馬出和雅音虛空諸鳥隨類音聲以用供養地獄眾生皆得麁樂畜生眾生更相愛念如父母想閻羅王界一切眾生亦變受樂餓鬼眾生皆悉得除飢渴苦惱今時天龍夜叉乾闥婆阿修羅迦樓羅緊那羅摩睺羅伽人非人等各受快樂更相慈愍猶如父子今時阿難白佛言世尊如來今

者以何因緣而微笑耶今時佛告阿難一切四眾比丘比丘尼優婆塞優婆夷天龍夜叉乾闥婆阿修羅迦樓羅緊那羅摩睺羅伽人非人等若於今世後世聞此經者皆得不退轉於阿耨多羅三藐三菩提能為他人廣說是經無所損減亦如我今分別解說等無有異阿難聞此經已心生信解即是佛種何況受持讀誦修行當知是人去一切種智則為不遠當得一切智自然智是故此經名不退轉法輪之印能為諸菩薩等作大利益亦為一切眾生發於無上道心因緣能發心已便於此經具足成就阿難如來以一切智示諸眾生若復有人雖離佛智但聞此經即得自然智及佛智利亦即受記是故此經名為不退轉法輪廣博嚴淨亦名成就具足善根莊嚴方便為作利益行大乘者阿難當知今時如來廣說是經無量菩薩皆得成就無生法忍無量無邊阿僧祇等億數眾生皆悉得住不退轉於阿耨多羅三藐三菩提佛說經

已文殊師利舍利弗阿難等及諸四眾比丘比丘尼優婆塞優婆夷天龍夜叉乾闥婆阿修羅迦樓羅緊那羅摩睺羅伽人非人等皆大歡喜頂受奉行作禮而去
不退轉法輪經卷第四

癸卯歲高麗國大藏都監
印